



夢林玄解卷之十五

夢占

棟宇部

殿官 臺閣 宦署 第宅
苑囿 關陞 囹圄 神宇

〇〇〇殿宮

殿陞宮闕 大吉

凡此兆主恩榮之事。惟帝王之夢殿陞。當以他物論。何也。身居九重。非臣民比也。若夫后妃。王子。宮人。內相。則又以夢中所見者推之矣。○卿相官吏。夢之。主欽命。召賜陞加。文人武士。夢之。主顯爵厚祿。進取。平民老幼。夢之。主將來榮華富貴。婦人女子。夢之。主丈夫子婿。高明親族。孫支茂盛。疾病患難。夢之。主禍去福臨。壽永。僧道尼姑。夢之。主天神佛力扶持。

待制王素嘗夢至玉京黃闕。有紺服翠冠者曰。吾東門侍郎。公則西門侍郎。昔已奏牘汗責于世。及



晚歲思玉京之夢。作詩曰。碧虛中藏白玉。京夢魂飛入黃金城。何時再步烟霞外。皓齒青童已掃廳。

登臨大殿螭頭 大吉

占 夢之主高爵厚祿。坐立拜跪。皆為美兆。有所得所失。又宜以其物詳之。有吉非凶。

蔡茂初在廣漢。夢坐大殿極上。有三穗禾。茂跳取之。得其中穗。輒復失之。以問主簿郭賀。賀離席慶曰。大殿者。官府之形象也。極而有禾。人臣之上祿也。取中穗。是中台之位也。失字禾字。為秩。雖曰失之。乃所以得祿秩也。袁職有闕。君其補之。旬月而茂徵代戴涉。為司徒焉。乃辟賀為掾。

殿前朝拜奏對 貞吉

占 此為臣之禮儀。夢之者。將來之實驗。宜詳殿廷是何名何地。朝奏是何人何職。吉凶可推。靈機難執。

崔宗之幼夢朝天。立金殿下。且以問其師。師曰。此子他日必擢高第。後為侍御史。及朝對。宛如幼時夢中所見云。

太極殿 兩儀之初

齊世祖初在襄陽。夢着素屐。行太極殿階陛之上。庾溫曰。屐者。運應木也。素字四十二點。年過此。即帝位。

凡夢殿廷。但見華麗。不見殿名者。有吉無凶。若見殿名。宜細詳之。

仁壽殿昆明殿未齋殿

昆明池

顧鼎臣。夢入朝。賜坐。為未齋殿學士。覺而占之。因號未齋。及拜相。考諸秘書。有名未齋殿者。○夢仁壽殿者。主一人得兩人之壽。○凡夢昆明。明謹身等殿。皆大吉之徵。

湛露殿 凶

右補闕傅游藝。職加同平章事。夢登湛露殿。以語所親。頃有告其謀反。下獄自殺。

白虎殿

夢之。不祥。倘遇國喪。當以夢中他事推詳。

玉華殿

莆田方朝散病劇。夢至玉華殿。帝召見於白玉樓。試文一首。帝命拜為玉華侍郎。曰：有過謫墮。不久當召。覺而病蘇。

營造殿廷 大吉

天子夢之主中興大治。為臣夢之主建立功勳。平民夢之天下太平之兆。應選者夢之必高捷。應作工部官。工匠夢之。主有貴人招之。大作得利。

正殿傾 凶

革除年方。孝孺夢早朝正殿傾倒。驚覺。次日果驗。

殿移動

占 主大事更移轉動。分位不寧之兆。

殿瓦墮地

占 簷瓦為嬪嬙之兆。朝中夢之主虛驚。惟應試夢之。為及第之徵。大吉之象。

魏文帝問周宣曰：吾夢殿屋兩瓦墮地。化為雙鴛。此何謂也。宣對曰：後宮當有暴死者。帝曰：吾詐卿耳。宣對曰：夫夢者意耳。苟以形言。便占吉凶。言未畢而黃門令奏宮人相殺。

殿上有僧尼

占 士庶夢之主王侯寵愛之兆。惟人君夢之不祥。若夢升佛殿者反是。亦皆吉。

宋理宗夢二胡僧。曰：二十年後當以此殿還我。既覺。宣馬廷問之。對曰：胡僧乃夷類。二十年來。必主夷狄于殿前。稱藩。上命卿識之。至元間。果歸附。有僧官楊總。揖言宋殿基原係僧寺。因高宗南渡。都杭。遂建殿。

殿傾復整 吉

成祖文皇帝夢殿欹側傍一大漢裸臂持扶而殿復正次日太學生邢端侍宴帝見其貌克肖夢中遂擢為監察御史邢端嘗謂同袍曰昨夢殿前步馬。

殿上金光燦爛 大吉

金色黃正色直射中央此瑞氣也人主夢之則君明臣良民安物阜河清海晏時和歲稔人臣夢之則朝綱清肅文武相和詞清訟簡上下相安平人夢之于京都當有所得家道安寧身心清泰文士夢之主登科甲兆在庚辛申酉間如夢黑雲黑光黯黯掩閉者反此而占。

空中山中水中宮殿

占 空中者凡事虛華士人文思日進山中者主修煉成仙水中者主冥居不遠王平甫在朝一日夢至水殿榜曰靈芝宮平甫欲往有人隔水止之曰時未至他日迎之恍然夢覺

坐大宮中 吉

禁中已鳴鐘矣平甫每自負作詩曰萬頃波濤木葉飛笙歌寶殿號靈芝揮毫不是人間世長樂鐘聲夢覺時後四年卒。

占 上人居高下人為官之兆須詳所坐之宮是為何名吉凶可定矣。

步入深宮內院 吉

占 仰帝室之深幽近天顏于咫尺觀殿陛之高峻見宮苑之禁掖非顯爵於皇都何粲麗夫履歷即寤寐之繁華驗功名之赫奕。

進士牛益夢至天第吏曰此羣王宮也見殿上有白玉牌朱書字蒙以絳紗大字云中洲天仙籍其次皆姓字數千其中惟識數人乃呂夷簡李迥余靖而已有故人呂臻掌此官益問今世卿相亦有相識者。

王洙曰。予始作禮官時。夢入禁苑中。引一紫衣人。至後苑。見上。踰年。荆公受紫服。予時為太常卿。引入苑中。其徑路所至。皆夢中所見。

紫薇宮 大吉

占 凡夢游宮禁。主名利吉祥。
曰 紫薇太極。文翰高明之兆。

未央宮

占 夢此者。福未終。祿未盡。壽未絕。事未
曰 輟業未衰。貧賤兆之。時未逢之占。

毓德宮 吉

占 昔有夢召對毓德宮者。後為翰林侍閣。
曰 召入秘閣。議朝政。尋拜相。蔭子官爵。

章明宮 凶

公孫聖曰。章者。戰不勝。走倖俚也。明者。去昭昭。就冥冥也。兩缺。殖官墻者。軍入吳。伐宗廟。掘社稷也。

水晶宮 吉

夫差驗之矣。○世人夢之。亦非吉兆。
趙孟頫未遇時。嘗夢入禁宮。四顧皆海子。屋上不
用瓦。覆以水晶。身坐辰中。月光如晝。後入相。名重
天下。自稱水晶宮道人。

右諸宮殿別名。皆昔人夢中見之。或當時所未有。而後果驗者。或古之名。當以字推者。以此為例。不能盡述。

禁宮內殿永巷長門

占 凡夢出入居處其中者。文人舉子。主科甲高登。功
各遠達。內官宮人。侯伯夢此。皆直叶。病者夢之。是
曰 地府之象。吉凶未可知。必以耳目所
及推焉。○凡夢傾塌閉塞者。俱不吉。

金闕兩觀午門左右掖門東西安長門後宰門

遙望皇都宮殿吉

占 凡夢觀遊出入其間者。學士前程貴顯。商賈清客。有事入皇都。病患夢此者無妨。○夢毀閉者不吉。

占 諸事皆吉。在京官宦。椽隸夢之。主差遠方。在外郡者。夢之。或至留都。或近京邑。或京信至。老病夢之。而宮殿之名。非人間所有者。則仙居近耳。

宮牆

占 夢入宮牆者。平人遇貴。文人遊泮。女人入選之兆。必以夢中所見聞推詳。有凶有吉。禍福自明矣。

占 嘗有貧士在京邸。夢入宮牆。越旦求貸于冷謙。冷謙。引其士扣門。門開。入庫盜金出。後露。捕冷謙。謙飲水。隱入瓶而逃。

宮中光燭天大吉

占 夢此主聖君賢相威嚴勤勵。亂世夢之。天下將治矣。

御座有禽蟲

占 惟夢飛龍鳳凰靈龜三足能燕雁者為吉兆。夢騎馬走于御前者。高爵重位。拜將封侯。大吉。若夢蛟龍魚鱉牛馬犬羊。皆主國亂民亡。

占 太醫令朱耽。嘗直禁省。夜夢犬羊各一在御座。覺而惡之。告人曰。犬羊者非佳物也。今據御座。將有變乎。既而天子蒙塵。侯景登正殿焉。

王殿上人吉

占 凡夢入王殿中。或吉或凶。當以國號推占。其殿廷高廣。儀象都麗。是為佳祥。若低陋暗黑。則地府之象也。夢秦晉楚齊者。主婚姻嘉事。夢燕趙晉梁者。主宴飲肴饌。夢吳越韓魏者。主名譽是非。但知王號而不聞國名者。主科第進取。又當以物色言語細推之。

葉祖洽赴省試。夢惠應王指殿下竹一束示之。前此條對准以賦。及祖洽入試始用策。蓋竹一束。策。

字也。其年。葉遂得大魁。

禁中教弩場 吉

文學之士。夢主聰明頓長。得人薦拔。武藝之輩。夢主演習異術。得名授爵。商賈庶民。夢主交易得宜。受皇澤惠。病患衰老。夢主良藥去病。天時快爽。諸事皆主獲吉。

〇〇〇臺閣

登臺遠眺 大吉

占 高居萬人之上。明觀千里之遙。開曠遠于胸中。會風雲于目下。夢此主慶喜之兆。阮宣年四十。未有室。性嗜飲。醉卧酒肆几間。夢入帝都。立于層臺。一冕服者立于臺傍。玉墩上。相拱而覺。以告肆主。解曰。臺者高處。有吉事至。時王敦會友。歛錢為配偶。斯兆驗之矣。

九層臺

占 臺省載高之象。夢登上者吉。夢下之者凶。仕宦之客。宜靖共爾位。以保其身。

靈臺 吉

占 靈臺。文王之臺名也。夢此者。得遇仁君之兆。又主得良友相助之益。

瑤臺

占 西王母宴會。周王于瑤臺。瑤臺者。王母之所居。有夢之者。遐齡人瑞之徵。

白臺 凶

北魏樂平王丕。夢登白臺之上。四望無所見。日者董道秀筮之。以為大吉。王默而有喜色。後事發。王遂憂死。道秀棄市。高允著筮論。以為當時道秀若推六爻以對。當曰。易稱亢龍有悔。窮高曰亢。高而無民也。如是則上寧下保。福祿方至。豈有禍哉。今舍本而從未。繫之至。不亦宜乎。

烏臺

占 夢登鳥臺之上。主職居御史。夢立鳥臺之下。當得御史相親。

登臺遇龍蛇 貞吉

董遵誨父宗本仕漢。為隨州刺史。宋主微時往依焉。遵誨馮籍父勢嘗侮之。一日謂宋主曰。每見城上有紫雲如蓋。夢登高臺。遇黑蛇長百丈。有餘。俄化龍飛騰東北去。雷電隨之。是何祥也。宋主皆不對。他日論兵。遵誨理屈。拂衣起。宋主乃辭宗本去。及即位。遵誨被召。伏地請死。宋主諭之曰。卿尚記曩日紫雲黑蛇之事乎。遵誨再拜呼萬歲。

臺榭樓閣

絳宮重樓十二級。幽闕挾之高。巍巍幽闕者。心胞絡也。十二重樓者。胃管咽喉之間也。心為國主。百體從令。凡夢樓榭。主胸中精氣。氣旺精足。則夢絲樓高閣。琉璃璨爛。情舒志暢。則夢大廠。峴軒雲梯。納陛皓月光如永晝。卿雲清曠來。董風若夫夢中樓臺傾陷。毀壞蔽塞者。其病患不一。又非夢游地。

府北也。

萬歲樓 吉

占 貴者見之為事幾。賤者見之為生意。少者見之為貴兆。老者見之為壽徵。

李鑄初與韓臯不協。及鎮浙右。夢萬歲樓上掛冰。因自解曰。冰者寒也。樓高處也。豈韓臯來代我乎。未幾臯果自鄂州移治浙。

迷樓 凶

隋煬帝離宮滿天下。建重樓九曲。稱曰迷樓。嘗有夢之者為奸邪所陷。迷者迷而不悟也。樓者樓而不解也。隋者隋而墮墜也。離宮者。別離其居室也。此大凶兆。

岳陽樓

敖德明夢坐江樓。遙望江潮湧起。引手登舟。至一城墻下。步升高臺。金甲人曰。此岳陽樓也。予萬戈。

千。前後八十八。時鄰里患疫。德明疑兆不祥。問醫士郭咸寧。咸寧曰。爾將來作富翁矣。既而商人戈某聞之。招為伴侶。三十年積粟十餘萬。

登樓賜席

柳遐幼而爽邁。動合規矩。其世父慶遠特器異之。謂曰。昔事伯父太尉公。嘗謂我云。昨夜夢汝登一樓。樓甚峻麗。吾以坐席與汝。汝後名宦必達。恨吾不及見耳。我向聊復畫寢。亦夢昔時峻樓坐席賜爾爾之官位。當復及我。特宜勉勵以應嘉祥。後遐官至開府儀同三司。霍州刺史。

亭軒

夢亭主安寧停住。○夢軒主開暢軒昂。○夢亭軒高聳。簷陛繁華。風和景明。主富貴永康之象。○夢梁柱欹斜。瓦石毀陋。為不祥兆。○夢有對景扁牌。所係非輕。宜細察而占之。宋吳近夢至一亭。扁曰侍康。未幾生女。年十四時高宗為康王。選入宮。乃徵侍康之兆。後進位皇后。

畫棟雕梁朱欄玉陛 吉

易曰。棟隆之吉。不撓乎下也。凡夢寰宇。或身居屋內。而但觀戶外之烟霞。不知棟柱為何物。或身游宇外。而詳察薨椽之細微。兼玩簷櫺屏几。若山櫛藻校。畫棟雕椽。綵柱朱欄。升階拜陛。乃皇宮之營繕。真夢寐之美徵。爵尊祿盛。壽永體寧。因其象而推之。方悉至也。休折梁傾。欄損陛陷。皆失所覆。肩憑依。震壓仆墜之機。

沈瑀在竟陵王家。素與范雲善。齊末就雲宿。夢坐屋梁柱上。仰見天中。字曰范氏宅。後雲經沈攸之之變。屢瀕于殆。幸而獲免。至是瑀為梁之高祖說之。高祖曰。雲得不死。此夢可驗。

金柱擎天 大吉

蕭皇后夢金柱擎天。諸子欲上不。能。后後至僕從皆陞。久之入宮。

倚欄杆

貞吉 否凶

占曰 夢此主憂虞疑慮。別離困厄之象。雖非大凶。亦不為祥。女子夢之。或以風光花月占之。而吉者。宋丁氏夫人。夢倚欄詞曰。漏靜更闌。雲光雲水映天山。悶倚雕欄。花影花音去又還。晴似菱花瘦。景殘。周折迴旋十二灣。欹斜依倚新愁散。舊愁愈切。聲形懶。夢裏相思會見難。覺來時淚沾鬢髮班。

蓮花柱

北齊楊休之。夢見一柱如蓮花形。休之登柱。礫以手捉柱曰。柱轉三匝。吾至三公。柱遂轉三匝。後果驗矣。

登階陞吉

秦檜奉使入金。舟中夢朝行在。帝命錫陞階納陞。後果入相。

○○○宦署

太學吉

占曰 志入太學。而為賢良方正之舉。職居太學。而為拜相。封公之由。奈何有夢居國監。而發應國圉者耶。或曰。監字與監字同形。而殊音也。雖然。入獄弗死。其福何如。凡此夢者。生生弗已。休祥莫大焉。紹興初。有夢經德齋生為省元者。時太學諸齋。無經德之名。至二十七年。祭酒周。縮請增三齋。曰。節情經德。立禮。至乾道間。何澹從經德齋冠南宮。此夢兆于三十年之前云。

庠序學塾

占曰 夢居庠序。主斯文之得與。夢任學官。主育賢之大德。凡夢居處遊行。及執經受業其中者。吉。如既處其地。而夢出此者。有凶無吉。或未處其地。而夢入此者。有吉無凶。夏楚索檄。皆為吉兆。瞿景淳。夢授教職入衙。朱門高爽。北向。諸同寅皆錦衣。孔雀香帶。寤語其妻。妻曰。今科必中。當入翰林。果為會元。

紫府玉堂吉

占 文士夢身居紫府。主登相位。夢身居玉堂。主入翰林。平人。不應子弟。當為妄占。

憲府官廨

占 凡夢居處出入觀見此地者。宜以語言之。意事物之象。喜怒哀樂之分。即其身而細推之。吉者多。凶少者。

孟蜀進士蘇協。宿聖壽寺。夢入官廨。屏上大書愁字。廳後復見秘器。甚高大。既寤。心惡之。占夢。周世明。曰。吉徵也。蓋愁者不樂也。不樂即不落之意。秘器為棺。而高大。子孫當有至大官者。是年協果登第。及歸宋。其子易簡以狀元及第。後參大政。符所夢云。

何繼。太平興國中。任秘書丞。度支制官。王化基。任著作郎。開封推官。繼一日在省。夢入官府。如中書制勅院。官吏憧憧出入。皆若有所除授。其中喜者沮者。相半。皆形于色。繼見眾人紛紛。亦前詢問。到一房。見朱衣吏據案而坐。簿書堆積如堂。候官之狀。繼因前揖之。問曰。眾人皆除改。某與數否。朱衣

軍營吉

若有所閱視。徐曰。亦有。但候王化基。草制詞。因出而夢覺。遂言于化基。未幾。化基果超擢知制誥。又數月。繼授虞部員外郎。出知刑州。官誥果化基之詞。

占 文人夢此。得武備。武士夢此。逢演習。家族不睦者。夢此。有爭訟。而無災。爭鬪詞訟者。夢此。得便利。而禍解。病中夢此。乃藥力。主心腎却病。道路夢此。乃次日所見聞者。驗之。

牌坊樓轅門塞門銓門院門

占 平民下人夢見。主鄰里親族。高拔恩榮之象。或身犯官司。詞訟者。夢之。翰墨之家。文章之輩。驗于其身。不驗于其身。必驗于其子孫。衰年病體。夢此者。又為天宮冥府之占。

魏仍將赴選。祈夢。夢見侍郎李彭年。使人喚仍。於銓門中側耳聽之。明日解者云。門中側耳。是聞字。已而果得聞喜。

黃公度初發鄉舉。入試南宮。既出院。夢題院門曰。依舊家山萬里。重新場屋三年。是年以誤用韻。榜罷。次科赴省。試乃及第。

○○○第宅

起建大厦 大吉

夫人以天地為棟宇。屋舍為禪衣。或以天地為體。膚屋舍為臟腑。夜夢堂高屋廣。主去病改過。夢遷舍徙居。主業更事易。不論貧賤富貴。凡夢建造大厦者。主功成名就。與隆昌泰也。○畫棟朱門光燦爛。庭除花木映芳菲。夢中見此恩榮第。覺後徵祥百事宜。○凡夢平日所居。謂之安宅。自高貴以至下賤人。其理同也。若夢帝居民舍。又常另以名論。

韋安道夢家造大屋。如王宮。廣高華麗。寤笑曰。吾家何得建此高厦。後則天后詔訪之。召見便殿。賜錢五百萬貫。授爵使為魏王府長史。命建第于洛陽。

高堂大匾 吉

占 凡夢此。以匾上取書何字占之。其貧居陋室者夢此。必得高爵厚祿。或驗于子孫。
楊祿女。幼夢堂有大匾。寫一奇字。驚寤。言于父母。至年二十一。時嘉熙戊戌。有趙時奇登第。方二十二。未娶。來議婚。父母以名應夢兆。遂許之。

堂內日月光 大吉

占 夢身坐立高堂。必得恩榮之驗。况日月之光。直入戶內。其吉倍之。雲掩陽光。則非吉兆。
北魏孝文高后。幼年夢在堂內立。而日光自牕中照之。灼灼而熱。后東西避之。光猶斜照不已。如是數夕。怪之。以白其父。颺颺以問閔宗。宗曰。此奇徵也。昔有夢月入懷。猶生天子。况日照之徵。此女將被帝命。誕育人君之象也。後入掖庭。生宣武。追謚文昭。

大厦被狂風搖動

夢占

占 豪家夢此大凶。若非疾病。必有仇讐。貧窮者夢之。則驗在他家。病中夢之。病劇。遊行道路。夢之。恐有風波險阻。不然。則驗在家中。

堂傾陷 大凶

占 凡夢此。主病患危迫。富貴者夢主家敗。身災。女夢主夫主難。僕夢主家主危。

外人正坐堂中

占 夢人坐于其所處。有如其堂中主者。他日彼將處此。非吉兆也。宜豫防之。王恭舉兵赴京師。上表以討王愉。司馬尚之兄弟。為辭。夜夢劉牢之登坐其堂上。旦謂牢之曰。事尅。即。以。卿。為。北。府。因。遣。牢。之。率。帳。下。督。顏。延。先。據。竹。里。元。顯。使。人。說。牢。之。牢。之。斬。顏。延。先。攻。恭。恭。敗。朝。廷。即。以。恭。位。號。處。牢。之。果。如。恭。所。夢。云。

書室

占 夢入學館。主博聞廣見。○夢脩書館。主學業長成。夢會師友講論。出入于書房中。主得進取。○夢學堂高大。堆積古書。文翰。主博學身榮。子貴。○夢書屋高廣。前後東西相聯。諸友論文講義。主名譽高揚。德業大就。若閉塞暗昧。破損圯斜。危坐不安。出入不順。主有悔吝。

幽居別館

真吉 否凶

占 夢懽笑于幽居。日下哀聲振地。夢涕泣于別館。目前樂意憑天。隱遯丘陵。別有天。從心避亂。快達仙島。虛無地。謝世藏身。龍樓鳳閣。天山似吉。反為凶兆。虎穴鵲巢。地府占凶。或變吉徵。但占有已無已。

更詳欺人。為人。明知夢想。變禍為福。妖惑人時。福至反凶。郭瑀與敦煌索。蝦起兵運粟。以應王穆。後穆聽讒。將害索。蝦瑀諫不從。出城大哭。舉手謝城曰。吾不復見汝矣。遂與疾而歸。旦夕祈死。夜夢乘龍至屋。而止。寤而歎曰。龍飛在天。今止于屋。屋之為字。尸下至也。龍飛至尸。吾其死乎。古之君子。不卒于內寢。於是還酒泉南山。赤崖閣。飲氣而死。

鄭顥登進士第。授右拾遺內供奉。尚宣宗女萬壽公主主拜駙馬都尉。歷刑部吏部侍郎。當大中時。恩澤無對。嘗于壽昌節。赴麟德殿上壽。迴憇于長興里第。昏然晝寢。夢與十數人納涼于別館。館宇蕭灑。相與聯句。既寤。不全記。諸聯唯省十字云。石門霧露白。玉殿莓苔青。乃書之于楹。私怪語不祥。不敢言于人。不數日。宣宗不豫。廢朝會。及宮車上仙。方悟其事。追惟顧遇。續石門之句。為十韻云。間歲流虹節。歸軒出紫扃。奔波陶畏景。蕭灑夢殊庭。境象非曾到。崇嚴昔未經。日車烏歛翼。風動鶴飄翎。異苑人爭集。涼臺筆不停。石門霧露白。玉殿莓苔青。若匪災先兆。何當思入冥。御爐虛仗馬。華蓋負云亭。白石成千古。金滕閱九齡。小臣哀絕筆。湖上泣青萍。未幾。顥亦卒。

廊廡軒庫

占 夢家中起建脩葺。主興隆發達之象。○夢閉居獨立。安坐緩步。主身康壽永之占。○夢人丁眾多。行坐兩旁。主富貴。○夢外人擾撓歡呼戲耍。主好事至。○夢眾人哭笑歌舞于屋下。而身在堂房顧視。

廂廊左右不相對 凶

占 夢左廂高。右廂低。男強女弱。○夢右廂新。左廂毀。主男喪亡。○夢閉塞不通。主作事不利。

高軒大庫 吉

占 凡夢此者。諸事皆吉。而文墨之士。夢主恩榮高貴。舒暢軒昂。

閨闈繁華 大吉

占 何賈夢建一堂。樹一大庫于堂東。時生子致雍。後為節度判。泚殷王楚。以致雍為僕射。

占 富貴者夢之。孫枝茂盛。貧賤者夢之。日後大發。婦人女子夢之。主身心康吉。衰老者夢之。體健齡長。曰 夢室內空。虛反此。

貴人入閣

夢林玄解

卷十五 第宅

百

夢占

范祖禹之母。夢一金甲大將。步入香閣。曰。我故漢將軍鄧禹。遂生祖禹。為宋名臣。

陽光滿室 吉

哲法師母曹氏。嘗夢日光滿室。因有娠。是生師。則天臨朝。屢徵不起。開元間。示化于聚福寺。

龍堂過路

貞吉 否凶

家門前後。以此為僕婢出入之所。猶人身之脈絡。呼吸所自由。經曰。呼吸廬外。此之謂也。夢此廣濶。通暢潔淨光明。主大吉。夢此暗閉汚。主病患。夢外人喧鬧。神鬼出入。必大凶。

門牕戶牖櫺闌

夢大開明照。主吉祥。毀壞暗閉。主災禍。月影花光。喜事至。輕風灑雪。主得財物。夢門戶中有人有物。宜以字樣詳之。吉凶可見。夢窓牖中。見人見物。宜以時事推之。休咎而占。

芝產門楣 吉

王待制禕大父為石峽書院山長。一夕夢五色芝。產門楣。翌日主禕識者。以為文章之兆。公幼秀爽。敏慧。國初以聘起累官翰林待制。有文名。奉使諭雲南。死節。謚忠文。

閭閻鄰里

此夢主歲時之擾靜。居止之安危。或于其中遇某人。作某事。又宜隨人隨事以為推。或于夢中見某地名。問某地名。人言某地名。各以其地名推之。或直叶。或借境。吉凶無定。

王德亨。階州人。其鄰家有販賣水銀者。德亨夢鄰屈頹。驚坐。其屋脊。上有日光從雲影中出。覺以問無明禪師。禪師曰。昨夜水客為西戎所殺。此夢驗矣。君高坐日光下。必得大貴。踰年赴京考選。授廉州巡檢。時洪武初。

四顧無人舍 凶

占 夢此者。主疾病死亡。文人夢之。主科名。獨占。平人恐懼警省。亦能轉移禍福也。

高墻堅壁

貞吉

居易安李其之妻善書能文嘗夢立于閭外四顧無人謂而歎曰世亂將作如之何果驗

占

夢入高墻將有囹圄耻辱夢棲堅壁須防賊寇妖惟亂世夢之大吉夢墻壁坍塌平安者破敗困

苦者
甦脫

墻後開小門

戚里韋堅常作是夢其妻與鄰友相淡而堅不知也一夕堅夢俛卧小門未幾飲鴆暴卒

屋壞凶

趙王倫將廢賈后張華方晝寢夢見屋壞覺而惡之是夜難作華遂被害

店門高聳品物充盈大吉

此夢主年豐家富世治物阜壽永嗣賢大吉兆也君相夢之民安樂四民得之財利昌文學得之譽

曰

名揚表病得之身康健遠行得之寓邸良

會飲肆中吉

徐陽侯問師李汜曰我夜夢四友會燕于肆中大酌其兆何如李曰汝嘗入肆會飲否陽侯曰弟子好潔豈有此事李曰汝當獲財曰何也李曰不畏四知而斟酌之非財而何徐曰某平生不喜飲酒且夢酒驗疾先生謂吉者何李曰驗在酉果然

堂下開張店舍否凶

占 店舍本在街衢而忽夢形曰 堂下急趨避利胸有貪私

貴人坐店中

文人武士夢之得財農工商賈夢之遇貴顛沛流離夢之獲吉病恙疴癢夢之為鬼神婦女獨夫夢之生賢嗣旅家店主夢之逢貴客

店面低小

占 夢此小事吉。又審
日 所設何物推占之。

旅邸

身寓邸舍夢之另占。

占 文墨之士。夢離家而羈旅舍。主長驅以見大貴。兵
日 戈之卒。夢邸寓以暫安身。主先笑而後號咷。中饋
之姿。夢即次于店舖
中。主分別與離鄉井。

廣庭 大吉

裴度未遇時。夢坐高堂。四顧亭廣百步。戶外
場如曠野。芳草芊綿。後入相。賜建綠葉堂。

場中井 吉

占 久居異鄉夢之歸故里。險難災危夢
日 之禍患消。疾病煩慮夢之百憂散。

場上花木茂盛

占 凡夢場野曠大。主心意寬暢。便宜行事之象。○夢
日 場中樹木森森。花枝的的。草萊菲菲。春和景明。主
文思高達。○夢此堆積汗穢。草木枯
朽。高下不平。風景凄慘。主貧乏荒歉。

場聯厨竈 吉

占 諸事有恒。平安無剝。占之主豐足
日 不歉之象。更得永保無虞之慶。

場上揚旌旗

占 學者夢之得第登科。鄉人夢之迎神賽會。
日 商賈夢之盜賊蜂起。病者夢之不祥之兆。

竈下揚旗

占 此夢須防火燭之災。若值世亂。夢此主兵
日 戈在目前。雖危無咎。夢幢幡。主佛力救護

脩造大厨竈 大吉

占 貴者祿壽增益。富者子弟榮顯。求名得名成。
日 求利得利取。求與巨室交者。遇寵貴人之夢。

天井

占 夢坐立庭中。主瞻天之否泰。見三光者吉。見烟雲者凶。○夢卧于簷外。主德行之損益。仰望安閒吉。伏俯悲咲凶。○夢水。火荆棘。主家業之飄殘。○夢草滿窻前。主文章之上達。

竈在庭場無蓋 凶

占 暴露之象。夢此主家破人亡。世亂者。位不當也。身有病恙者。夢此無妨。婚如夢此勿娶。

置井竈於廳堂之中 貞吉

占 家破分離之際。夢此反為吉祥。而事在人為。曰 安居樂業之時。夢此必有變異。而行善可保。

竈

占 竈下清泉湧。夢主獲利也。竈下燈火燃。曰 夢主揚名也。竈中火鳴聲。夢主口舌也。

一室二竈

占 此夢諸事不成之兆。曰 人有夢此果作二竈。

竈中穿井

占 學業難成。謀為不遂。曰 病者身亡。子孫憂累。

井中作竈同占

凶

竈下水池環轉

占 夢主吉轉為凶。凶反為吉之兆。安居逢禍。曰 患。逃遁被人知。災患能離脫。殃消疾病除。

池中竈

占 流離顛沛之際。夢此諸事得濟。病者夢之凶。曰 安居樂業之時。夢此產敗身危。懷孕夢之吉。

井中火起 大吉

占 火在水上。未濟。君子以慎辨物。曰 居方。又曰。君子之光。其暉吉也。

池中井

汪熙寧之妻胡貞良孀居矢志不二嘗夢大池方數百步中有一井池水走于水上汲于井井水清甘時洪武二十一年詔徵識字良家婦有司以胡氏應詔入宮為中書令五載賜祿回籍令尹趙某詩曰宮娥取作中書令聖主稱為女丈夫

窺井笑 凶

唐距娶姑少女張氏留之衛南莊。以事入洛。累月不得歸。夜夢妻隔花泣。俄而窺井笑。及寤。心惡之。明日就日者卜之曰。隔花泣者。顏隨風謝也。窺井笑者。喜向泉路也。居數日。果有凶信。

入井有人背負而出

扶人出井。負日出井。

夢此兆吉。主得人護助。○夢墜落井中。或坐井觀天。主水火之災。○夢醉入井。主訟事。○夢伏藏井內。主牢獄。○夢在井中跳出。主遠行大吉。○玄宗夢入井。有一兵士着緋禪背負而出。明日使於兵號中尋訪無此人。又於苑中搜訪。見一掌關

著緋禪。便引見。上問汝昨夜作何夢。對曰。夢從井中。背負日出。登天。上觀其形狀。與夢相似。乃問汝欲官乎。答曰。臣不解作官。臣家貧。遂勅賜錢五百千。後有祿山亂。子儀再造唐室。果驗。玄宗入井之云。夢

井中生樹石花草 吉

占 夢井中有巧石。主奇巧之事。名花芳草吉。日 樹木皆非井中所植。當以字推。惟竹無妨。何祇。夢井中生桑。以問占。夢趙直。直曰。桑非井中之物。會當移植。然桑字四十下八。壽恐不過此。祇後至。捷。為太守。年四十八。果卒。

井內有人

若其相識之人。久客在外。夢在井中見之。主還鄉井之兆。若卧在井中者死。○蘇軾通判安豐軍。時淮西帥司檄鞫和州獄。故以疑未決。蘇夜夢井中有人。果于廢井得尸。

將雪填井 凶

占 此夢家室不寧。受人欺擾。作事無終不祥之兆。女子夢之。主井水枯。

井涸

占 夢此主貧乏。天一生水。萬物無水不生。故也。病夢主腎虛。無妨。

穿井 貞吉

占 夢人穿鑿舊井。主朋友至。○夢平地開井。主得良友。○夢穿井見水。主遠信至。○夢身自淘井。主爵祿榮盛。○夢自汲清水。主得財物。○夢人汲水授已。主得人之財物。○夢水湧出井上。主登科拜相。○夢加脩井欄。主家富。○夢窺井見天。主得官祿。○夢井中水漲溢。主作事成。否德之人。反為凶災。

井水溷濁 凶

占 夢此主乏糧之患。若夢汲無水。繩縷斷落。瓶器破傷。尤為大凶。

屋在井內

占 夢之子有災。夢房舍居住井中。大凶。

井崩損傾涸汗塞

占 此敗家之兆。夢蔽蓋井欄者。無妨。但家事未得昌盛耳。

草舍茅廬

占 夢眺望見之主吉。夢卑穿傾壞則凶。

冠山來。淑人之夫。犯罪被囚。夜夢前隣結茅房。相對。照。淑人自解曰。茅房乃草舍也。與赦字同音。對照吾門。必有赦釋良人之兆。不數日。果遇赦還家。

涼棚

占 男夢納涼于棚下。主安閑喜慶。患去病痊。女夢裸形于涼棚。主病患驚憂。或有私情。行人夢之。主伴

夢林三解 卷十五
曰 侶和洽諸事得吉。

彩棚

占 夢此主有慶賀之事。病者不宜。元德秀少孤家貧。事母至孝。夢坐于棚下。棚上錦麗五彩。光燦百花。寤曰。此兆吉昌。但母老矣。何忍離左右。乃負母入京。果擢進士。

花棚 吉

占 夢之當以花名。推其吉凶。若於脩造種植。夢之直叶。

牛棚羊棚

占 此富厚之占。占有棚無畜者不祥。

雞棚 吉

占 夢育司晨存夜風。見幾而作。徵臨酉肖。會秋聲教思無窮。出入無疾。朋來無咎。

猪圈 凶

占 凡夢此者。凶多吉少。夢身入圈中。主牢獄死亡之禍。惟田舍翁夢屋外造圈者吉。

坑廁

占 君子夢之事不諧。小人夢之得財。病夢入廁。康健。夢深坑大災。凡夢陷坑廁中者死。

鹵簿入廁中

宋沈慶之在文帝時。夢引鹵簿入廁中。意惡之。占者曰。君必大富貴。然不在旦夕間。鹵簿是富貴者。引入廁中。所謂後次也。知君拜相。不在目下。慶之果以奉武時。出登三公。

船坊 吉

占 夢此主出行存利。船舵安然。風波不起。坦夷平吉之象。

馬廐

占 夢此主通達。○夢馬出廐，主遠行。○夢馬入廐中，主信報至。○夢廐中馬嘶，主口舌。○夢廐中馬舞，主火災。○夢廐中無馬，主作事不成。○夢馬坊破壞，主家中人有災。○夢脩造馬廐，主得富貴。

蓬廠 吉

占 夢此主命工匠為大作之兆。○夢居廠中，主作事因人借力，疾病得遇良醫。○夢行過廠外，與廠內人語，主決事得中，志窮無咎。○夢卧廠下者，不祥，若其人平日有事，廠中者，又當另推。

窰

占 工成豎立，除器戒不虞，甄別妍媸，毀方而瓦合。土塊泥丸，大功成既濟，身居日用。小器審明夷，凡夢此者，君子以正位凝命，小人以革面順從。諸事皆吉。○夢造窰者，主成器。○夢居窰中者，平人主幽苦，文人主異日光明。○夢燒窰者，主抑鬱之兆。○夢窰中器物充滿者，主闕毀不寧。

倉庫

內帑御庫 大吉

占 少者夢之，天祿豐隆，身榮譽顯，老者夢之，天年永久，子貴孫賢，尊者夢之，以盈虛為治亂之徵，病者夢之，以言識為吉凶之數。陳劉皇后幼夢立金屋，內侍飾如宦官，叩首曰：東天庫。次日，母招日者占之，日者曰：必作大貴人。年十七，嬪于帝，日者語人曰：劉后幼夢東天庫，東字加耳旁，陳字也。天庫宦官叩首，我云必作大貴人，今果然矣。

武庫

占 凡夢入此，學博才高者，得與斯文，良謀善射者，登壇之選，商賈夢之，大發。夢中遙望，不得入者，反是。

太倉 吉

刑文偉夢支俸太倉。倉史曰：進肉千歲殿。文偉曰：自有宰官進膳。倉史曰：奉天封誥。文偉宰之，得御書。右史及乾封初，文偉為東駕典膳臣。上書減膳。太子答書嘉嘆。其年右史缺。高宗曰：文偉以吾兒不讀書，不肯與肉。直臣也。遂授右史職。

倉廩府庫 吉

占 夢此充盈主年豐民足。夢此虛耗主年荒國亂。夢得此支應福壽永昌。夢倉廩盈足者。下人吉。上人凶。夢府庫盈足者。上人吉。下人凶。

民舍倉廩棧房確坊

占 夢豎造脩葺五穀充盈主家業成立。夢坍塌空虛污穢主貧窮破敗。王季良夢入倉倉無粒粟拾得一錢置褲中以問占者曰：一錢可得萬利未幾瘡發腰間乏糧餓死鄰里聞之謂占萬利之談無稽云。

地窖

占 夢此者潔淨充滿覆閉高平大吉之兆。汗穢殘損缺陷暴露不祥。若夢窖中渾泥浸者凶。

水窖 吉

占 夢入此清冽寒泉主腎水充足精液堅固。昔日有南粵人夢此者或問之曰：陝中和蘭無流泉。巨室作石窖畜水。夢此當遠行至和蘭可致富。

○○○苑囿

上林苑 吉

占 峻嶺茂林晉履帝居之都麗。玉臺金闕周行王道之森嚴。何天之衢。渙奔其杙。王假有廟。賁于丘園。自昭其明德。得尚于中行。夢中光燦子虛。覺後肴馔。烏有。志達皇都。徵祥吉兆。

阮長之未第。夢登高崖。履大道。數里虛。朱門金闕。光耀琉璃。見一闍曰：汝欲遊上林乎。臨海觀日昇。

可得榮歸。由殿前步至海岸。見日初出。雲光躍目而寤。後為臨海太守。

內苑 吉

占 有應選夢入內苑看花。及期授京兆尹。凡夢入深宮內苑上林。主名譽達皇都。大吉。

離宮別院

占 夢入離宮別院。當以所見形色。所聞詞字細推之。或吉或凶。有驗分離別業者。

官廨後苑園

占 夢此宜審官廨所在。及花卉草木等類。細詳之以辨凶吉。景象新華茂盛者吉。反此者不祥。

田舍 大吉

占 夢造園林于田舍。主增益田土。○夢豎田舍于園中。主園林荒蕪。○夢遊田舍。宜以屋木另惟。

起造新莊 吉

占 巨室富資。繁華工作。夢此必有大利。諸事皆吉。

李德裕九世孫某。夢遊平泉庄。寤曰。昔者始祖平泉庄遺命云。毀一木。損一石。非吾嗣也。及遭亂離。竟成荒丘。噫。焉能有良裔。再復此地。肯構一堂哉。旦謁士夫。見平泉莊圖焉。

湖亭

商人萬鈞。候風泊舟江沙間。夢登湖亭排譙。見文武官數十人。至前。諫叱曰。速去。驚覺。命舟師揚帆。隨風而往。數里許。金兵至。斫索舟渡江。鈞嘆曰。天遣速行。得救民命。舟泊江邊。不夢江亭而夢湖亭。胡為停泊于此。斯也。登臨罷譙。等候風罷。則遲晏也。諫曰。速去。脫兵索也。宋末江南民庶。夢湖無水。居亭內不敢出。占曰。湖無水。胡也。住亭內不敢出。隱也。果驗。

山池亭榭 貞吉

占 行人夢此。得暫憩於山間水間。達士夢此。曰。得高尚于驅名驅利。病卧城市。夢此不祥。

另居別業

占 主出類超羣之兆。夢此。小試。利在他鄉。謀利。貴在遠途。又主幽居別有天。

假山

占 此兆。行而欲止。止而必行。凡事因假成真之占。

菜圃吉

占 周公有云。莧陸中未光。凡夢此者。中未光大也。文
人應試。夢此。當察命題。武將臨邊。夢此。難為戰守。
病疴瘡疾。夢此。得藥得愈。婚姻孕育。夢
此。多子多孫。鄉人夢此。直叶。有補無災。

王樵夜宿鄉間。夢買地二十畝。造一菜園。區曰不
如圃。有童子與樵同臥。樵以夢告之。童子曰。買地
用錢。種菜多子。論語云。吾不如老圃。一個女口。補
君胤嗣。王樵乃娶妾。生三子。此童効力。如爭父母。
樵亦愛之。

關陸

貢院關房 貞吉

凡入坐其中者。應試。夢此。登高第。官吏夢此。差場
屋。商人夢此。遇雨吉。大貴。夢此。得利息。武士夢之
事。勿憂。軍卒夢之。主美役。病者夢之。不祥。匪人夢
之。牢獄。僧道夢之。坐立閑。庶人夢此。須遷宅。夢出
其外者。反此而占。

信安劉必明家貧遊學。江右人以數金托之謀事。
妻徐氏知之曰。我見汝安貧樂道。奈何作此欺事。
必明以金還其人。夜夢入貢院。立關房下。房上人
曰。卯金在何號。必明曰。我姓劉。衆推入場。驚寤。次
年中秩為湖南令。

關塞

夢把守關塞。主扼要得權。○夢過關出塞。主命運
亨吉。○夢過塞入關。主際遇得利。○夢關大開。主

命中關煞開通。○夢關門障蔽。主運限不通。○夢遊行塞上。主得食祿。○夢立塞外。關上大開。而身不入關。主口舌是非。○夢關外斷橋無路。主命中大限不吉之兆也。○夢關塞危橋歧路。得人引過通衢。主災消病除。得人扶助。○夢由隱徑過關。主行言不正。遭逢不偶。○夢關塞無人。主逃避口舌。尋人不遇。

鈔關

占 夢據關收鈔。主大獲財利。○夢納鈔過關。主財祿進益。○夢關吏征鈔。被責受辱。主是非爭訟。○夢人同行。至關分路者凶。

余成善妻祝氏。夢夫坐舟出關。祝氏立關內納鈔。關吏索取錢五十。三。支。寤以言于夫。成善曰。我得出關時。運通矣。未幾夫死。祝守家法。孀居五十三年。

遠望關寨旂烟火驛中火起 凶

占 夢此主兵戈爭亂之徵。宜防火圍。且夕不吉之兆。是多凶而少吉也。

坐守關寨中 吉

占 文人武士夢之。主得官爵。掌關防。○隱士夢之。主安貧樂道。○平民夢之。主避仇惡。得安也。

郵亭 吉

占 凡相會往來其間者。名士清門。夢此得貴人交。富家巨族。夢此主遠行。商賈夢此主交易。病訟夢此不祥。

填闌

占 夢填吏扶過填上。夢開闌過闌。主運通時。達。夢舟車為填闌所阻。主命運遭逢艱阻。

○○○囹圄

錦衣衛獄

宦官張某。夢王守仁入錦衣獄。獄中乘駒出。抱龍入雲。是歲守仁彈劉瑾。詔獄。謫龍驤驛。

天牢

占 夢此主病患之災。若夢入視罪犯。出外而寤。主吉昌。

坐牢獄 吉

占 夢坐牢者。丑年利。夢坐獄者。戌年通。貴人夢坐。吉。平人夢坐凶。疾病之人。夢赦出者。主患除。

乘輿入獄

崔龜從夢乘輿入獄。三百餘人叩拜號泣。獄吏曰。平言里王一人。四人走事河中。及寤異之。待旦。書記藏于笈。及為大理評事。從事河中府。啓笈見所書。嘆曰。此兆果驗于今日。然則斯已矣乎。後為少保歸洛。

○○○神宇

郊壇社稷壇 大吉

占 君相誠格之夢。天地感孚之占。郊祭天。天子以作樂崇德。殷薦之上帝。以配祖考。社祭地。以配后稷。國之大事。莫大焉。于斯。君子夢之。明乎其禮。治國如家。而布衣夢之。利用為大。作是善。則遷有過。則改。郭子儀初冠。夢儒冠荷袍。立郊壇下。見二帝。冕旒行禮。上帝命子儀至。壇攝行祭禮。賜燔肉。覺謂此兆不祥。祿山之亂。子儀再造唐室。玄宗為太上皇。此瑞徵。見於未示之先云。

太廟明堂

占 文士夢之。名登黃榜。位列宗伯。武士夢之。功在社稷。世授簪纓。平民夢之。推其所恒。以占。夢生于太廟之中。貴。

文廟

嘗有工匠。夢遊綾恩殿。占者謂此乃玉城宮闕。必有事。至果克皇陵之役。

占 夢過門而不食。非孔子之徒。夢登堂而入室。乃國士之瑞。不習舉子業。夢入文宣廟。驗在子若孫。病劇者夢此。幸遇聖良方。尚。有。十年壽。僧道夢此。宜結大儒緣。

歷代宗室先朝帝王廟

占 夢中象吉為吉兆。夢中凶象為兆凶。夢中無吉無凶。所驗將遊于此地。

城隍廟 貞吉

占 凡夢此者當以所見所聞受持勿誤。若夫忽畧怠弛。誕妄褻瀆。災必臨之。

山岳江湖諸神之宇

占 能事鬼神者心誠而不敢懈。能敬而不敢褻。能遠而不敢賣。若斯者天必祐之。倘有不虞。神明豫兆于未幾。使避凶而趨吉。幸改禍以成祥。于是見之于寤寐之中。宜之于容辭之外。志在江湖。夢河伯海神之廟。道由關嶺。夢山靈天將之祠。一言一動。毋忽毋疑。

劉存為舒州刺史。辟儒生霍為團練判官。甚見信任。後為左右所譖。因搆其罪下獄。白使府請殺之。帥知其冤。使執送楊都。存遂縊之。于獄。既而存遷鄂州節度使。霍友人在舒州。夢霍素服自司命祠中出。撫掌大笑曰。吾已獲雪矣。俄而有帥師征河南。霍表兄馬鄴為黃州刺史。有夜扣齊安城門者。曰。舒州霍判官將往軍前。馬病。白使君借馬守陴者。以告鄴。嘆曰。劉公在殺霍生。今此人往矣。得無禍乎。因畫馬數匹焚之。水際數日。存敗績死焉。

丁元珍嘗夜夢與歐陽修至一廟。出門見馬缺一耳。後元珍除峽州。修除夷陵令。一日同祠。沂謁黃牛廟。入門惘然。皆如夢中所見。門外石馬。缺一耳。相視大驚。以為事有前定如此云。

或曰。萬事皆前定。何用苦勞心。惡是何言歟。世之所謂前定者。是誰定之。惟志之所至。定之于既往。故事事之所自。見之于將來。善人未必無過。昔日有罪孽。則得善名。而受奇禍。惡人未必無善。昔嘗有善念。故名大惡。而反受福。嘗害人于人所不知者。福臨之。以表其凶。易曰。天地感而萬物化生。聖人

感人心而天下和平。觀其所感。而天地萬物之情可見矣。

五祀

家主中霤而國主社。中霤者。即家堂之謂也。家堂之神。為五祀之主。地宅所居。曰土地之神。道路之主。曰五道之神。貨財之主。曰五路之神。日用之主。曰六神。竈有竈君。井有井泉之神。戶門坑廁。皆有神祇。各有廟室堂宇。夢中見之。大小不同。而吉凶悔吝。皆直叶者。

魁星閣

大吉

占 夢此主文章應試之祥。有夢登禮拜。後及第。道經于此。宛如夢中。乃以俸金。命工構葺。

龍王廟

占 夢此主風雨早澇。田土途路之徵。久旱夢之。有大雨至。久雨夢主雨止。

伏廟

劉幽求奉使歸。未及家十餘里。夢伏寺中。聞歡洽聲。垣矮見妻在坐內。幽求擲瓦下之。走散。既覺。馳抵家。妻方寢。聞幽求歸。起叙寒暄。訖。妻語夢遊一寺。會有人自外。以瓦擲。遂覺。幽求亦具陳前夢。各各驚訝。○凡夢伏神。主男女情欲。孕產吉凶。惟病中夢之必痊。

道家

凡夢入道家官觀樓閣洞室丹房。遊觀居處者。常人皆吉。病者不祥。入其中而有人指點引導出入者。又當別占。

先王以神道設教。而天下服。政教懈弛。有司失其傳。而亂將作。孔子適周。問禮于老子。曰。老子其猶龍乎。老子西出關。授關尹道德經。秦火之變。得其傳者。鮮焉。天師張道陵出。而神教復興。三教皆自老子始。養生之道。深造其旨。名之曰仙。仙道莫能傳。世之假借虛妄。以邪說誣民者。比比皆是矣。惟天師得其正教。是曰道教。凡夢神廟觀院官殿。道家所居。若三天門。若天皇殿。安樂宮。玄都觀。飛仙

臺。廟堂道院等。神鬼所依。神鬼無形。與聲傳物。而有聲。其聲也。靈。有過則驚。無過則輕。惟敬與誠。則得其平。病痼。夢之得生。顛沛。夢之得寧。此造物者之無盡藏也。見幾而作。全在。心清。心放曠。為虛驚。惑于邪術。業廢家傾。荒淫飲蕩。諸事不成。魂之所憑。天神之靈。因夢想以示呈。

張宣成寧中。夢行仙府。聞天風海濤。聲振林木。見海中樓闕。金碧瓊瑤。數人揖。宣入。請賦詩。且曰。此間文章。要與織女執杼分巧。勿過人問語。宣成一絕云。天風吹散赤松霞。染出連雲萬樹花。悞入醉鄉。迷去路。傍人應嘆忘還家。有仙曰。子詩絕佳。未免近凡。罰酒一杯。極甘。忽墜萬仞山而覺。

宋張成憲在陳州。不欲斷成疑獄。以及無辜之民。後因設蘸茅山。夜宿玉晨館。夢至一殿。廷主者曰。陳州之事。尚記憶否。此間文籍甚明。命使者各抱一錦襦與之。曰。以此相報。是歲妻生一男。妾生一女。後皆貴盛。次年轉大夫。直秘閣。

治平中。蘇轍寓京師。夢入三清殿上。老子像高二三尺。狀甚異。謂轍曰。子知楊縮事乎。轍荅曰。唐之

賢相也。子知高郢嚴震乎。轍曰。郢文臣。震功臣也。三人孰優。曰。郢震不及縮遠矣。曰。三人皆終尚書僕射。然縮不至上壽。郢震並享者。年子知其說乎。曰。不知也。曰。縮好殺生。而郢震皆不殺。此所以異也。子志之。

釋家

夢見寶刹壯麗者。主吉祥。○夢見寶塔輝煌者。主高舉。○夢登殿禮拜。主身心齋潔。○夢登塔極頂。主位尊壽永。○夢上戒壇。主得佛力。○夢入佛寺者。平人吉。貴人凶。○夢入寺人阻。患難者吉。平安凶。

者

佛者。西方聖人。夷狄之一法也。不生不滅。不垢不淨。無我相。無人相。無眾生相。無壽者相。普度眾生。衆生得度。信受奉行。施舍功德。而浮圖方丈。叢林檀越。遍天下。曰舍利塔。曰大雄寶殿。曰講經禪寺。曰功德道場。曰懺悔道場。曰講院。曰齋堂。曰小菴。曰靜室。曰僧舍。曰佛堂。曰蓮花座。曰法堂。曰寶塔。

曰石塔。又尼姑菴。道婆菴。凡夢之者。普度結緣。先露其幾。諸菩薩。諸佛。諸菩提。長老。阿羅漢。和尚。禪師。沙門。稍覺。道人。香火。善人。信士。信女人。念彼觀音力。脫離地獄門。三生百千萬劫。共以成佛道。心經曰。無無明。亦無無明盡。

後晉寶雲寺僧。一日夢于舊寺基水際。得古斷碑。云。寺南高基。乃顧野王脩輿地志處也。明日果得碑。乃于基上。建野王寺。元成廷珪詩云。

塵銷壞壁書千卷。土餽殘碑字幾行。北魏奚康生久為將。多所殺戮。而乃信向佛道。嘗於南山立佛圖三層。忽夢崩壞。沙門為之解云。檀越當不吉利。無人供養佛圖。

故崩耳。不久竟為元義所害。揚州西靈塔極峻。淮南詞客劉隱之遊明州。夢泛海。見僧懷信居塔三層。言暫送塔至東海。旬日而還。隱之歸揚州。即訪懷信曰。記海上相見時否。數夕。塔毀于火。

宋王球為涪陵太守。以失守繫獄。防鎖堅固。獄中百餘人。並多飢餓。球每食皆分施之。日自持齋。心念觀世音。夜夢昇高昇高一沙門。以一卷經與之。題名光明。按行品。併諸菩薩名。球得而披讀。忘第一菩薩名。第二觀音。第三大勢至。又見一車輪。沙門曰。此五道門也。既覺。鎖皆斷脫。球心知神力。彌增專志。因自釘住其鎖。經三日而得原。

宗澤夢造九級浮屠。明旦見岳飛。薦為將。淳化間。周朝壽任泗州守。嘗不請于朝。而修城。朝廷不准。所費。罄家償之。貧不能堪。夜夢老叟謂曰。若往招提寺。可終汝身。明日往寺。遇老僧。僧問姓名。鄉貫。即請沐浴更衣。設供止宿。且具香花。迎入法堂。會眾升座。曰。尊君侍郎所寄錢十萬貫。老僧被此襪。襪十年。謹用歸納。授以簿書。訖。端坐而化。

勅建忠孝節義鄉賢名宦祠

占 自昭明德。惟風憲于一方。受茲介福。享血食于千載。寐寤志合前賢。徵兆身榮異日。

家廟路寢

夢占

神宇

三

夢占

家之有家廟。所以盡子道。陳孝享也。諸侯五。卿大夫三。上士一。中祀始祖。左昭右穆。祀高祖。曾祖。祖考。又有祧廟。而祀考妣于禰廟。下士無田。不敢以祭。士庶人享親于路寢。凡夢此者。為子不忍忘其親。而先靈因之見其慈也。○夢建造修葺。主富貴增益。○夢拜奠蒸嘗。主爵祿豐亨。○夢于廟內見先靈喜吉。悲凶。○夢家廟中有鼠猫犬豕。主亾人求食。○夢入其官。不見靈棲。主有禍事至。○夢廟中生草木。主敗亡顛沛。○夢欹斜損壞。靈棲顛倒。主九族不睦。夫妻反目。○夢蔽塞毀弊。主家破人亡。○夢揚旌掛彩。主喜事至。○夢一鳳御書入廟。主皇恩授詔。

祠堂

占曰。夢為人造祠。祀已故之人者。主夢者吉。祀見在之人者。主其人吉。○夢人為已造祠者。主自己不祥。

觀音堂

觀音。普門。慈悲。大士也。夢之主宜修齋。行好事。結善緣。非義財莫取。非理事莫為。貴藏。修。謹。慎。為。吉。

關帝廟

匹馬。單刀。忠肝。義膽。護國。安民。之。大。帝。文。士。臨。場。兆。之。定。占。魁。元。武。將。臨。場。兆。之。大。勝。有。功。病。人。兆。之。不。日。而。愈。商。賈。兆。之。利。當。十。倍。恆。人。兆。之。門。庭。清。吉。孕。婦。占。之。兆。主。貴。子。主。訟。事。得。清。官。遇。難。終。獲。解。大。吉。大。吉。

賢聖廟

占之。主得賢友。遇聖師。生女得秀。生子得貴。利吉。

夢林玄解卷之十五

關帝廟

大吉

此之安古... 關帝廟... 大吉

夢林玄解卷之十六

夢占

服飾部

冠冕

衣衫

裘甲

鳥履

衾枕

〇〇〇冠冕類

冕旒 大吉

冕旒之製古矣。始於黃帝。冠上有覆。前後有旒。夏禹致孝享。美乎黻冕。孔子論為邦。服周之冕。乃至尊之元服。國家舉盛典。行隆禮。則用此焉。夢之者。主有大喜慶事。士人見冕旒。必受恩榮。女子見冕旒。必蒙欽選。官僚見冕旒。為左右輔弼。嬪妃見冕旒。得朝夕進御。庶民見冕旒。子孫入覲天顏。或自見神像。以應夢焉。

冲天冠 吉

夢林玄解

卷之十六 冠冕

夢占

占 王者用之。藩府亦得服之。縉紳夢此。得寵任。青
日 祿夢此。得顯榮。若優俳夢此。則其習見不論已。
梁武帝勅賀革為元帝府咨議使。講三禮。賀將西
行。意甚不悅。過別御史中丞汪革。江告之曰。吾夢
主上徧見諸子。至湘東王。脫冠授之。此人後必
當壁。卿其行乎。賀領之。及太清之亂。遂膺歸運。

貂蟬冠 貞吉

日 占 此貴官之盛飾。凡夢之者。必受國恩。享天祿。但夢
戴之。或得之。或整之。則吉。若夢失夢。污夢。敝。有不
祥焉。或為
更新之兆。

皮弁 吉

日 占 公侯之首服。凡夢此者。必得官爵。文臣夢之。朝廷
有事。宜召。武士夢之。邊方有事。此征。若有功勞。勲
業者。夢之。主
受封。塵世襲。

紫金冠

日 占 公子王孫之服飾也。凡夢之者。為逢凶化吉。遇難
生祥之兆。出行逢貴客。婚姻有良緣。商賈獲奇貨。
詞訟遇
清官。

魚尾冠 貞吉

日 占 羽士之服飾也。見之于夢。居官者宜優游林下。有
病者宜請求法籙。祈晴得晴。祈雨得雨。凡事人定
亦能勝
天之兆。

鐵冠

宋熙寧初。邵武人徐熙春。夢一方士。鐵冠道服。儀
容脩偉。既寤。至城南五峰院。遇所夢者。自云姓蔡。
住武夷。遺以五華草。食之甘美。自此不服粒食。但
飲清泉。約以某日至武夷。至期而往。蔡已先在。徐
以水深不能渡。止於金
身院修煉。尸解而去。

黃冠

夢林卷之六 冠冕 二 夢占

捧簪纓而進 吉

占 此夢主得人之瑞徵。人君夢之。必得良佐。文士夢之。必遇良朋。庶民夢之。必逢貴客。易曰。由豫大有得。勿疑朋盍簪。

整冠服而朝 吉

占 此整舊重新之兆。必有大喜事至。外臣將入朝。隱士將被召。致仕在家。將復起官。

朝衣朝冠入山林

占 是夢也。各以類占。文人才士。隱居荒野者。主他日榮貴。焚黃顯親。公卿大夫。見任顯要者。當退歸田里。致仕告老在家者。恐就木入土。

或錫之冠帶

唐右補闕毋旻。夢著衣冠上北邙山。親友相送。及至山頂。回顧不見一人。意甚惡之。無何。以熱疾暴終矣。

占 夢此者。主貴顯之兆。士子必登第授職。官員必增秩。加銜。在閨閫。必然夫榮子貴。在耆德。定作鬼判司神。

冠中束帛 凶

占 束帛原來是白巾。如何夢見帽中存。只恐無端凶事至。且將顏色細評論。白主孝服。紅主刑傷。黑主水厄。青主懸梁。黃者為吉。

冠上簪花 大吉

占 夢此主有樂事。事至。花是人間物。花開必遇時。天時應人事。喜慶可先知。應舉在第一甲。小試亦在優。

日 等仕宦蒙恩賜宴。平常婚姻嫁娶。

冠上又加一冠 吉

占 貴人夢此。主兼攝國政。富家夢此。主雙貴臨門。爭訟夢此。事涉兩司。平常夢此。喜事叠至。生男有二子。貴子。

朱衣武冠

蕭巖蕭蕭嚙至陳。德教學士沈君道。夢殿前長人。朱衣武冠。頭出欄上。攘臂怒曰。那忽變叛。蕭誤人事。後主聞之。遂忌。二蕭散其眾。

男戴珠鳳冠 凶

占 女子之貴服也。夢作男裝。非所貴而貴焉。各必辱。非所服而服焉。身必危。既辱且危。死期將至。妻其可得見耶。易曰。入于其宮不見其妻。凶。

男戴假髻

占 司馬懿畏孔明。甘受巾幘之辱。夢中而戴假髻。男裝女。無丈夫體度者也。作事必退怯。治家必疎慢。詩云。抱頭學鼠竄。掩耳怕獅吼。此夢之謂歟。

女戴男冠 否凶

占 此陰盛侵陽之象也。主女子奪夫權。內人干外事。且有拘囚悲泣之兆。夢之者。宜以綱紀持身。以禮義治家。易曰。家人嗃嗃。悔厲吉。婦子嘻嘻。終吝。

兒童戴紗帽

占 聰俊之兒。為貴顯之兆。狡獪之童。是俳優之徵。若有訟事者。主小官審問。不至用刑也。

嚴寒戴紗幘 吉

占 夢此。主氣豪膽壯之兆。士子應在賓興。將帥應在用兵。詞訟勝在殘歲。婚姻戒在明春。遠行者歸。久

曰病者起凡事大吉。

盛暑戴羶帽 凶

此作事畏首畏尾。退縮不前之象也。羶有逆道之義。求名不遂。出軍不利。行人有疾。囚者難脫。病患未愈。諸事淹遲。不吉也。

單巾幘

襄陽蘇嶺山廟門有二石鹿夾之。故謂之鹿門山。郭重產記云。雙石鹿自立如鬪。人或有時不見。鹿知有靈瑞。梁天監初。有蘇湖獵人。見二鹿極大。乃走馬逐之。鹿即透澗。直向蘇嶺。遂失所在。疑是二石鹿所化。遂回。其夜夢見一人。着單巾幘。黃布襜褕。語云。使君遣我牧馬。汝何驅迫。賴得無他。若見損傷。豈得全濟。

幅巾道服

張忠定公詠。在械都。嘗夜夢謁紫府。真君接語。未久。吏忽報請到西門。黃兼濟承事。以幅巾道服而趨。真君降階接之。禮頗隆盡。且揖張公坐承事之下。詢顧詳款。似有欽嘆之意。公翌旦。即遣典客詣西門。請黃承事。戒令具所常衣服來。比至。果即夢中所見。公即以所夢告之。問平日有何陰德。蒙真君厚遇如此。且居某之上耶。兼濟曰。無他。惟每歲禾麥熟時。以錢三萬緡收糴。至明年禾麥未熟時。小民艱食之際。價值不增。升斗平準。在我無損。而小民得濟所急。公曰。此承事所以坐某之上也。令索公服。二吏掖之。使端受四拜。黃公後裔。即今入仕路者。比比青紫。

烏衣黑幘

陳甲獵於東野。大藪。欲見大蛇。長六七丈。玄黃五色。臥岡下。甲射殺之。不敢說。三年後。至故見蛇處。語同行云。管在此殺大蛇。其夜夢一人。烏衣黑幘。至其家曰。汝無狀殺我。我昔醉不識汝面。故三年未相報。今自來就死。欲安逃乎。甲遂驚覺。腹痛而卒。

帽無頂 凶

占 帽無頂今主損傷人若夢之有災殃諸事不成更有害閉關獨坐守斜陽

戴蓮花巾

貞吉 否凶

占 蓮花巾戴象西方向善修行第一行有孕恐生是弄瓦病人夢此主非祥昔吳江女道士頭戴蓮花巾也

戴僧帽

占 主離緣絕俗之象夢已戴之家業衰親友疎子姓凋零顯宦致仕病人難痊諸事有碍惟平日好修行奉齋者可免無虞沙門兆之貴泰禪悟也

戴白氈帽

貞吉

占 白主素素猶見在也事當素位而行宜守舊則吉

帽斜戴

占 其冠不正主非由正道之象占此恐遇無美事交無良友凡事宜小心謹慎為吉

結駱帽

占 主細密難成之象占者事多遲留病多壅纏春夏夢之猶可秋冬夢之只宜靜守

帽墜地

貞吉 否凶

占 墜及也地第也墜地主及第之象士人兆之定占魁首頭角崢嶸庶人兆之傾跌夫物若獄人兆之惟慮落首之恐

戴斑竹冠

吉

占 斑班也齊等之貌竹主交友兆之主同類共事者有利

戴涼帽

貞吉

占 夏暑夢之主。乘涼之兆。清吉。
曰 寒冬夢之主。妻涼之象。不利。

帽被人搶去 凶

占 帽被搶兮兆不祥。家中事事變生殃。
曰 父母妻孥俱有碍。病者須防壽不長。

戴孝頭巾 吉

占 主家中有孝子順孫。
曰 兄弟和翁者。方兆之。

戴破帽

占 主舊交密。夫妻久。詩曰。破帽多情。
曰 却戀頭。或貪花飲酒者。必染病。

首戴圓冠脚穿方履

占 圓冠方履。主天圓地方之象。夢之生意。
曰 亨。門庭慶。士戴元冠。壽者得康。迪吉。

戴皂隸帽

占 兆之者。主訟事。
曰 要脩省。或可免。

帶帽套 吉

占 主溫潤豐溢之象。兆之。百。
曰 事和。遇貴人共事。利吉。

戴西方巾

占 西方主白。夢戴此。
曰 者。主病人危也。

綠袍烏帽

曹州定陶縣北。有陂澤。居民採蚌鱸贍生。虜亮王
隆元年。女直人阿失里為邑宰。夢一人綠袍烏帽
皂靴革帶。握手板入謁。告細民捕殺其族。乞禁之。
失里夢中許諾。明夜復夢。莫知所謂。迨春。澤畔漁
人。日衆。忽有巨物。長六七尺。狀若蛟螭。湧波噴
雲。岬澗推陷。人皆驚走。溺死過半。始悟邑宰夢。

官戴篋笠

田家為雨具。官府何披戴。此夢若推占。天機自有在。遇早必大雨。遇雨必水退。陰陽未可知。貴賤豈相代。若居官者自夢。非遇水旱。當致仕歸田。不得沐恩之象也。

着衣不戴帽 凶

占 衣不戴帽。猶有體而無頭。此凶兆也。占者。叛逆事。莫為。強梁人莫交。恐誣陷有罪。或獄中人夢之。難保全體。

戴網巾

占 網。猶羅網戴之。猶入之也。兆之。主禍至。必有囹圄之恐。或有訟者。切莫見官。凶多吉少之象。凡事小心忍耐。為吉。

戴破幘 貞吉

占 幘戴破。破者。解也。解。災散也。兆之事漸亨。訟漸解。冤漸雪。病漸脫。吉。

幘掛空中

貞吉 否凶

占 主禍患在前。臨深履薄之象。夢此當謝絕塵緣。杜門株守。方吉。

女戴網巾

占 女戴幘。情兮豈曰祥。家中事事變成殃。

○○○ 衣衫類

袞衣 大吉

占 至尊至貴之盛服也。袞衣裳九章。一曰龍。以龍者。袞然。謂之袞。天子之龍。一升一降。上公皆有降龍。今謂之蟒衣。在朝之臣。賜一品服者。亦得服焉。凡夢此者。占法與冕旒同。

袞衣升座

姚襄之寇洛陽也。夢其弟萇服袞衣。升御座。諸酋長皆侍立。明日謂將佐曰。吾夢如此。此兒志度非

常。或能大起吾族。及襄死至太和九年。其自稱秦王。建年號。稱制行事。

衮衣倚槐

後魏廣陵王元淵。夢着衮衣。倚槐樹。問占者楊元慎。元慎言當得三公。退謂人曰。死後得三公耳。槐字木傍。鬼不久果為爾。朱榮所殺。後贈為司徒。

帝脫御衣

康王夢帝脫御衣授之。未幾二帝蒙塵。康王以元帥南渡踐位。是為宋高宗。

朱衣

朱者。南方之正色。於卦屬乾。屬離。於干支屬丙丁。屬巳午。夢朱衣者。有君象焉。有神象焉。有貴顯之象焉。其吉其凶。各以類應。吉則為朱衣點頭。為緋衣掛體。為天神降福。凶則為誅斬。為赤族。為回祿降殃。以人之善惡推之。

朱衣行水上 吉

梁鮑泉之為南討都督也。圍河東王魯淹遲不拔。世祖遣王僧辨代泉。僧辨至。即出帝旨令示眾。鎖泉牀下。頃之。其友人乃夢泉著朱衣行水上。因告泉曰。君勿憂。尋得免矣。因說其夢。泉密記之。俄而復見。任果如其夢云。

懷中出緋衣

蜀劉審義閒居力困。夢一人引上檀香樹。因向懷中出緋衣授之。服而覺。遂改名檀。及一載。蜀郡牧請杜評事充倅職。奏授殿中侍御史。賜緋。勅下。杜丁憂不行。杜薦舉劉于郡侯。奏代。杜遺劉新緋衣一領。果如夢。

朱衣滿空 大吉

司命君家世奉道。其母夢朱衣天神滿空。皆長丈餘。旌旗映其居宅。金色照身。因而有孕。遂生司命。

君。幼穎悟，與唐元聲同學舍，年十五六，出遊采真，遂得仙術。

朱衣長鬚

元世祖嘗次日月山，昭睿順聖皇后得疾，危甚。亟召張留孫請禱，既而后夢有朱衣長鬚，從甲士導朱輦白獸，行草間，覺而異之。以問留孫，留孫曰：甲士導輦獸者，臣所佩法籙中將吏也。朱衣長鬚者，漢祖天師也。行草間者，春時也。殿下之疾，其及春而廖乎？后命取所事畫像進視之，果夢中所見者。后疾亦及期而愈。

朱衣人

方孝孺未生時，父卜日墓其祖考，夢朱衣人跪曰：聞作先大人之藏于吾山，吾十族居此數百年。望緩三日，吾當徙之。明日開曠，見赤蛇千餘頭，其長數丈，遂縱火焚之。後數月，孝孺生，狀類蛇，舌有兩尖，能銜入鼻中，後為建文忠臣，弗顧九族。曰：十族奈何，諸友皆被逮，有正學書集傳于世云。

畫衣

齊世祖在郢，夢人從天飛下，頭插筆來，畫上衣兩邊，不言而去。庾溫云：畫者，山龍華虫也。

孔雀羽衣 吉

占 此夢非常之瑞徵也。男作貴臣，應三帛服色。女為宮嬪，應雙中雀屏也。齊世祖，切夢着孔雀羽衣，空中飛舉。

翡翠衣 吉

占 華服也。夢此有軒軒選舉之兆。文士飛騰雲路，貴人舞蹈天衢。女子幸遇恩寵，道者羽化而登仙。凡事皆吉。

錦半臂

正元中，初國寶參為御史中丞，嘗一夕，夢德宗召對於便殿，以錦半臂賜之。默念曰：臂者，庇也。大邑

所以庇吾身也。今夢半臂者，豈上以某叨居顯位，將給半祿，俾我致政乎？客有解曰：半臂者，被股肱之位而委公乎，明日果拜中書侍郎，同平章事。

着獸錦袍 吉

占 獸錦袍，今主貴人。家業亨，今事事新。武士位高，爵祿顯，文人雁塔。早題名，詩云：獸錦奪袍新。

着鶴氅衣

占 輪巾羽扇，鶴氅道袍。此仙家兆也。占之。士人更元服，商賈獲奇珍，羽士夢之，主得官帶。

着百蝶衣

占 此婦人女子之服也。未婚者，當娶妻。無後者，當納寵。否則反未必成祥。

着百衲衣 大吉

占 主百壽之兆。占此，喜事至。老年康，無子者得子，病臥者得起。

人授一篋衣

薛夏母孕時，夢有人遺一篋衣云：夫人必生賢明之子。為帝王所宗。及生夏，年及弱冠，才術過人。魏文帝與之講論，彌日不息。辭華旨暢，應對如流。帝曰：昔公孫龍稱為辨捷，而迂誕誣妄。今子非聖人言不談，則子游子貢之儔，不能過也。位至秘書丞。居甚貧，帝解御衣以賜之。適符母夢云。

黃衫人

唐貞元中，司勳郎中李朝歸第，夢二黃衫人引至一所。其中有人曰：時未至，須玉魚下也。後朝當龍尾道上，見一玉魚把玩，至家數日卒。

繡衣曲領

裴安祖嘗以天熱，舍于樹下。有鷲鳥逐雉，雉急投之。遂觸桷而死。安祖愍之，乃取置陰地。徐徐護視，良久得蘇，飛去。後夜忽夢一丈夫，衣冠甚偉，着繡衣曲領，向安祖再拜。安祖怪問之，答曰：感君前日

見救。故來謝德。○雉乃文明之物，有繡衣之象。

五彩繡衣 吉

占 錦繡之服，非富貴者不能有。夢此主文明之象。會試必及第，應選為直指。閩閩得受誥命，常人夢之亦喜慶事。或子貴孫賢。

紫衣人 大吉

占 紫衣，貴臣之服也。夢此位列台垣，名登天府。居官必作紫袍客，生子必作紫薇郎，富室應為紫標黃榜之家。淑媛應受金花紫

誥之錫，乃非常之瑞徵。吉。
宋王洙之子始作禮官時，夢入禁苑中，引一紫衣人，至後苑亭上，踰年，荆公受紫服，子時為太常卿，引入後苑中所見。
至皆夢中所見。
薛瑄，河津人，父貞教諭主田，母齊氏。夢一紫衣人入謁，遂生瑄于學舍。初生，肌如水晶，五臟皆見。祖

仲義聞其啼聲，曰：此必貴人也。

綠衣童子

相國王公，丙申歲為譙幕，值逃亡數千戶。公奏乞貸種粒牛糧，朝廷可之。一夕次驛舍，夢人召公出拜見。一人紫綬象簡，如牧守之儀，遣一綠衣小童，曰：以汝有憂民之心，上帝嘉之，以此童為宰相子。授訖，寤。是夕，夫人亦有祥兆而孕焉。後果生子，名慶之。嘗談紫府間事，祥符壬子歲，謂所親曰：上元夫人命我為玉童，只為吾父未受相印，受則吾去矣。不數日，公拜相，踰月，慶之卒。

綠衣人

魏文帝尚食，將供蝦蟆，充御膳。帝忽夢綠衣人數百，乞貸命。後方悟其為蝦蟆，因禁採捕。崔悅遊學至姑家宿，明晨姑家方會客，悅夜夢十九人，着綠羅衣，拜告求生。既寤，見器中有水泛，驚正十九頭，遂詣水次放之。

褫去綠袍

松陵陳益少俊才。領鄉薦。嘗夢一人衣道服。促左右於巾笥中取綠衣靴笏與衣之。益詢左右。則曰。楊文公也。益穿袍。覺毛骨寒凜。似不能勝。道服者歎曰。惜乎。有此才而無此綠。即命褫去。益後不卒。

黑衣人

寶曆中。張惟清為單于都護。有美政。詔命中書舍人高鉞文其事于石。詔至而未有碑。惟清方命使採石於雲中未還。其從事盧立。夢一人頎長黑衣。告立曰。吾居于衛公廟久矣。幸遷我于軍城中。立白于惟清曰。衛公于國有功。今廟宇隳壞。願新其土木。惟清許之。乃修衛公廟。鑿其西。得一石。方而長。其下有刻出張字。歷然可辨。工人以獻。惟清喜曰。天賜吾也。于是以石為碑。而刻高之文焉。

烏衣人

率騰以咸和三年。為沛郡太守。出行不節。夢烏衣人來告云。何數出不輟。唯當斷馬足。騰後出行。馬斷。桓邈為汝南郡。人齎四烏鴨作禮。長子夢四烏衣人請命。覺後見鴨將殺。遂救之。買肉以代。還夢烏衣人來謝而去。

浣衣吉

占衣垢汚而滌濯之也。夢此主災消憂去之兆。官事脫。病患除。室家睦。但不利于求財耳。

皂衣人

饒州民郭端友。精意事佛。紹興乙亥之冬。募紙筆。清旦。手書華嚴經。期滿六部。乃止。癸未之夏。五部將終。忽兩目失光。醫膜障蔽。巫醫鍼刮。皆無功。自念惟佛力可救。次年四月晦。誓心一日三時禮佛。願于夢中賜藥。或方。至五月六日。夢皂衣人告之曰。汝要眼明。用懶掌散。熊膽丸。則可。明日市藥。但

得懶掌散點之不効。後於道藏獲觀音治眼熊膽丸方。舉室驚喜。即依方市藥。旬日乃成。服之二十餘日。藥盡眼明。即日接書前帙。增爲十部外。人病目疾者。服其藥多愈。

一丈夫衣青襦

唐開元中。清江郡叟。嘗牧牛于郡南田間。忽聞有異聲。自地中發。叟與牧童數輩俱驚走。自是叟病熱甚。旬餘少愈。夢一丈夫衣青襦。顧謂叟曰。遷我於開元觀。叟驚而寤。及曉。與其子偕往郡南。鑿其地。約丈餘。得一鐘。色青。乃向所夢丈夫衣色也。遂白于郡守。移置于開元觀。是日辰時不擊。忽自鳴。聲極震響。清江之人。莫不驚歎。

白衣吉

白布衣。即古之深衣也。夢此有白賁之象。得朴素之義。居官者宦情恬淡。居家者體度安閑。詞訟得白。病患得痊。但不利於婚姻。交易功名。謀望。○白爲西方之色。屬金。金能生水。禱雨夢之亦靈應。

後周達奚武在同州。值大旱。武帝勅武祀華嶽之廟。舊在山下。常所祈禱。武謂僚屬曰。吾備位三公。不能燮理陰陽。不可同于衆人。在常祀所。必須登峰展誠。尋其聖輿。嶽既高峻。人迹罕通。武年踰六十。唯將數人攀藤而上。稽首祈請。晚不得還。即藉艸而宿。夢一白衣來執武手曰。快辛苦。甚嘉尚。武遂驚覺。至旦。雲霧四起。澍雨霑洽。武帝聞之。璽書賜勞。加蟒玉焉。

白衣女子

元豐四年。夏。駕里民羅浦于水中。獲一石觀音像。供于家。時慧聚寺僧守齋。夜艤舟于此。夢白衣女子曰。我舟覆。父與夫皆溺死。師幸容我。守齋拒之。女曰。假一篋宿。何傷。守齋開篋。納之。遂驚寤。迨旦。至羅氏家。見石觀音如初。出水。身猶沮洳。守齋默念與夢合。因乞歸。

藍衣吉

儒生之服也。有青出于藍之義。小試夢之入泮。鄉試夢之貢舉。若富貴者。不脫寒酸氣味。在貧賤者。

夢占

衣衫

百

夢占

青衣

必生俊秀男兒

貞吉 否凶 賤者之服也。凡夢此者，貴人遭家難，富室有官司，商賈交易行，婚姻成就遲。出行逢驛馬，疾病遇催尸。若問前程事，休想鳳凰池。

青衣女子

占 趙文若因公事至驛，忽夢一青衣女子求哀，試問驛吏曰：有何物食，報云：見備一羊甚肥嫩，詰之，乃青特也。

麻衣

大吉

占 凶服也，夢之者，反為吉兆。求財有千緡，求婚有良緣，病人得妙藥，遠客即回還，利在自身着，不利彼人穿，死生雖是命，凶吉豈非天。

葛衣

桓誓，字明期，居豫章時，梅玄龍為太守，先已病矣，誓往看之，語玄龍云：吾嘗夜夢君著喪衣來迎我，經數日，復夢如故。云：二十八日當拜，二十七日誓忽中惡，就玄龍索糜香丸，聞令作凶具。二十七日桓亡，二十八日龍卒。

占 當暑之服也，夏秋之間，夢之為應時，凡事有輕便之意，無煩苦之兆，冬與春夢之不及時，凡事有淒涼之景，少和悅之象。

氊衣褐衣

凶

占 皆毳毛所成，禦寒之服也。夢此未為佳兆，氊有逆道之義，士人主困守寒牕，褐有阻遏之義，軍伍主失機邊塞，冬月猶可，春夏秋俱不吉，凡事當待時而動。

補衣

詩曰。哀職有闕。仲山甫補之。夢此者。出仕。為拾遺。補闕之官。納言。有補綴復奏之義。交友。有彌縫缺。失之忠。處事。有針線周密之妙。若婦人夢之。主其。夫有過差。或其子將遠行。在孤寡則為常態。無占。

衣偏袈之衣

趙孝成王。夢衣偏袈之衣。乘飛龍上天。不至而墜。見金玉之積如山。明日召巫史敢占之。曰。夢衣偏。袈之衣者。殘也。乘飛龍上天。不至而墜者。有氣而無實也。見金玉之積如山者。憂也。後三日而值韓氏上黨守。馮亭之詐。

著故人之衣

李固言嘗夢著朱景衣。元和間。景頗著時望。乃自。司刑郎中出為澤州刺史。尋物故。固言心疑其夢。為不祥。及長慶初。穆宗有事于圓丘。舊例。諫官從。駕行禮者。各頒禮衣一襲。固言時為左拾遺。觀其所服。乃書左補闕宋景衣。答夢始驗云。

人衣蠻夷之服

貞吉 否凶

非先王之法服。不敢服。司世道者。用夏變夷。將使。左衽盡為文物之邦。胡然而夢夷服也。是必有久。羈外國。今得還鄉者。或有不循禮度。所為亂常者。或有本姓胡而來見。滿口胡言者。若武士夢此。應。獲夷虜之人。

虜脫衣

索克夢見一虜。脫上衣來詣克。索統曰。虜去。上衣。下半男字。夷狄陰類。君婦當生男。果然。

羽衣 大吉

宋仁宗母章懿李皇后。夢羽衣。跌足。從窻而下。遂娠仁宗。

楊大年母章氏。夢羽衣。自言武夷君託化。既生。乃。一鶴雛。盡室驚駭。棄之江。叔父曰。吾聞。間世之人。其生必異。追視之。則鶴蛇而嬰。兒具焉。體尚有毛。經月乃落。

衣破損 凶

占 此夢不為吉。凡事有缺失。應舉未成名。出行得重
疾。居家欠康寧。居官少安逸。內人生二心。云誰能
日 正室

冬穿夏衣

占 寒不得其衣。有荒涼淒穉之象。夢之主生
日 涯無利。作事不遂。商賈失望。功名難遇。

着袈裟 吉

占 佛相。袈裟。是佛門。占者須當早修行。
日 牛羊猪犬切。莫殺。莫作人間罪孽根。

身穿襴衫頭戴幞頭 吉

占 襴衫。儒服也。幞頭。觀天顏之冠也。兆之者。士人
日 得魁首。隱士列朝班。庶民逢貴客。子孫福祿祥。

着褊衫 否凶

占 褊衫。只是服沙門。緣何兆見俗人臨
日 非惟作事無有利。老壯須當保病身。

着吉服

占 吉服。祥驗也。夢着之者。
日 有樂事至。無往不利吉。

婦人着紅衣 吉

占 紅衣。喜色也。婦人。室人也。兆之。主室中。有喜事至。
日 不即可待。若孕者。兆之。必生貴子。若官士。兆之。主
有欽召。大吉。

着短衣

占 短衣。主不式體之象。兆之
日 舉動不遂意。謀為不稱心。

長衣無領 凶

占 衣無領。主事無頭緒之兆。夢之者。求財無處獲。訪
日 踪無處覓。失物難尋。他鄉未歸。訟者不勝。病者難

日 醫凡事阻

隔之兆

着戰袍

貞吉 否凶

此武將鏖戰之眼也。文士夢之。名登金榜。武士夢之。所向莫敵。強梁夢之。辱身及親。市人夢之。鬪毆

衣冠不着襪

否凶

占 上而不下。吝之道也。主事。先易後難。有頭無尾。孕不生男。遇無良人。

衣倒着

凶

占 主顛倒。亂常之象。兆之。行動反常。百無一順。家業變。疾病生。

矮人着長衣

占 長長也。兆之。主長長之象。生涯盛。家業興。只恐病者牽纏不脫。

樵着衣中

王戎夢有人以七枚樵。與之着衣中。既覺。兆占夢者卜之。曰。樵者。桑子也。目後男女大小。凡七喪焉。果應其夢。

裳飛起

凶

河間國兵張麤。金曠相善。太元十四年。端午日。共坐椒山。麤酒酣。失性。拔刀砍曠。曠母夢曠。所為麤所殺。屍在澗間。脫裳覆腹。尋覓之時。必難得。當令裳飛起。此處是也。追捕一如所言。麤知事露。將逃出門。見曠持雙刀來。擬其面。遂不得去。母報官。伏罪。

鼠入衣下

吉

婁太后孕襄城博陵。二王。夢鼠入衣下。

獸逼衣

吉

王宗侃妻有娠。夢周公山神。牽五色獸。逼其衣。遂生承肇。後節制揚州。入洛為行軍司馬。

錦衣貼月飛

沈彬。字子文。舉進士時。夢着錦衣貼月飛。人謂身不入月宮之兆。必不第。果然。後為吏部郎中。同平章事。

求衣

箕衣真人何中立。逝前兩日。太皇太后夢何來求衣。亟特賜之。至巳卒。遂易之以瘞焉。

兵着緋禪

玄宗夢入井。有一兵士着緋禪。背負而出。明日使於兵號中尋訪。無此人。又于苑中搜訪。見一掌關者。背負日出。登上。問汝昨夜作何夢。對曰。夢從井中。背負日出。登上。觀其形狀。與夢相似。乃問汝欲官乎。答曰。臣不解作官。臣家貧。遂勅賜錢五百千。

以被當衣着 吉

占 被。覆兆也。着。主起兆也。夢之者。有持危扶顛之象。占此出入無疾。朋來無咎。利有攸往。吉。若有訟者。夢之必。有貴人。來。庇也。

衣被人扯碎

占 扯。止也。碎。卒也。夢之者。主病者危。醫禱莫為。

秃着海青

占 海青。外服也。兆之。主外服動。秃着之。主內財失脫。或損內。卷之象。

着汗衫 否凶

占 汗衫。染垢之服。兆之。家門不利。或訟多連累。昔漢楚王交戰。汗透中單。故名汗衫。

綠篔衣 吉

夢占

衣衫

占

夢占

兆主有成之象。常人夢之家業興隆。農夫夢之。田禾存收。又主安樂景象。清寧吉慶。詩有曰。不脫簑衣。臥月明。此類是也。

自着紅袍紅襪

占 紅袍固是貴人穿。紅襪豈堪是好緣。人得此占事事壞。丁憂孝服哭連連。

着紅裙 吉

占 紅。喜也。裙。群也。即所謂紅裙爭看。綠衣。即兆。此主婚姻動。喜事至。

出剝着單褲 凶

占 剝。為落。主剝落之兆。夢之者。交財防失脫。又主外禍臨身。凡當退避。易曰。剝牀以膚。切近災者也。

〇〇〇裘甲類

豹裘 大吉

占 詩不云乎。羔裘豹飾。孔武有力。勇猛之謂也。周易有之。君子豹變。其文蔚也。文明之象。歟。夢此者。文臣在青瑣。為邦之司直。武將鎮紫塞。為國之元勳。考試前列。經營得利。百凡事且。總之遂意。

羔裘

占 大夫燕居之服也。夢此者。居官宜致仕。在朝宜還鄉。有從容自得。優游門暇之景象。詩云。羔羊之皮。素絲五紵。退食自公。委蛇委蛇。退食。退朝而食於家也。自公。從公門而出也。

鹿裘 吉

占 聘享之服也。夢此有宴會之事。文士主食祿。干鍾婚。姻得佳人二八。所謂白茅純束。有女如玉。可徵也。哉。

占 吉士瞻未遇時。夢得鹿皮。從而數之。有十一領。及覺。喜曰。鹿者祿也。吾當居十一祿乎。自其仕進所蒞者九任。後除授二郡。士瞻不悅。曰。數止于此矣。尋蒞任而卒。

貂裘 吉

占 貴重之服也。夢此主名登仕籍。位列朝班。惟不利。于始初之際。如季子入秦。裘敝而歸。妻與嫂皆不為禮。知此者。可以占夢。

狐白裘 否凶

占 狐色黃。白者不易得。其價倍常。但狐者。邪媚之獸。夢此必有求于婦人。方免于難。又狐者。狐疑不決。之義。作事畏首畏尾。猶豫而無主張。其色白。終能脫然無累。

雉頭裘

占 雉為羽族之物。其頭何以充裘。亦奇矣。此晉武所以焚之。而後世不得見也。見之于夢。必有奇技淫巧。蕩其心。聲色貨利。盡其志。紛華靡麗。炫其耳目。故寤寐之間。有此奢侈之兆。文士妖險。怪武人喜戰鬪。女子效呂后之尤。

千金裘 吉

占 主貴重之象。文人占此。得祿。曰 千鍾市人兆此。其利倍常。吉。

鸛鷓裘

占 司馬相如初貧。以鸛鷓裘貫酒。兆之者。曰 恐耽入貪花戀酒場中。主貧窮到老。

着兩重裘 貞吉

占 重裘掛體。兆之者。主有大任至。曰 重務來。或有智謀之士來。吉占。

甲冑

占 戎服也。所以禦敵。冑在首。甲在身。夢之者。主有軍旅之事。或科甲之兆。若有鱗介之物。形于夢者。此曰 幻化也。當觸類而詳之。

司馬與鎧 吉

晉陶侃在廣州時。夢有司馬與侃鎧者。長史陳協占之曰。司馬者。國姓也。鎧者。扞禦之器。君當進位。侃果加平南將軍。

被甲者數百人

曹魯公好放生。以至蜺蛤之類。無所不放。一日夢被甲者數百人前訴。既寤。而問其家。乃有惠蛤蚧數。菴者。即遣人放之。夜復夢前被甲者來謝。

身懷甲冑

唐會昌中有王瑤者。嘗為夾邑宰。將赴任。夜夢一人。身懷甲冑。自云馮夷之宗。將之海岸。忽罹網罟。命在詰朝。故來相告。倘垂救宥。必厚報之。瑤既覺。言于左右曰。此必縣吏相迎。捕魚為饌。急遣人至縣。庖人果欲割鮮烹鱸具。以瑤命告之。遂投于水中。即鼓鬣揚鬣而去。是夜瑤又夢前人泣以相謝云。

鐵甲披身

潘傑。字士英。應天上元人。鄉試三場畢。夢至一所。若宮闕。有人將鉄甲一副披于其身。且言朝廷欲用汝作八將軍。傑自念其首尚戴儒巾。謂其人曰。既要我作將軍。可取盃來。其人曰。只披甲。不必盃也。迨揭曉。中第八名。乃第二卷易經。始悟不得魁義。

赤鳥履類

赤鳥 貞吉

古者冕服之鳥也。公侯得用之。詩曰。公遜碩膚。赤鳥几几。言周公服赤鳥而氣象安重也。達尊夢此。雖遭讒謗而無咎。好邪夢此。當被刑戮而有凶。夢之災祥。隨人之有德無德。以斷其凶吉。占者當詳審焉。

金鳥 大吉

夢林玄解

卷十六 鳥履

三

夢占

赤鳥而加金飾亦公侯之服也。夢之者臺閣遇宴會慶賞。藩臬當人覲應朝。詩云赤芾金鳥會同有也。釋

朱鳥步雲中 吉

占 朱鳥職比侯王也。步雲足不履地也。乃登雲得路之象。建功立業。貴顯將及身也。應選求名者。夢之。大 吉。

着仙鳥

占 有仙風道骨之象。兆之者。生涯茂。子姓昌。功名就。病安康。老年夢之。主長壽。

雲履 吉

占 履。有履道坦坦之義。夢此履上有雲。主足下生雲。履端錫福之兆。儒生漸登雲路。隱士徐步山溪。遠客忽爾歸家。久病快然脫體。婚姻偕老。百年耆得增壽二紀。

朱履

占 門迎朱履三千客。貴者之服飾也。居官夢之。步趨丹陛。居家夢之。出接金鞍。在尋常。亦必有婚姻納聘。慶賀稱觴之喜事。

履為糞所污 吉

占 夢此者。主得財之兆。或劾勞而受酬謝。或服勤而蒙賞賜。或奔走而有所獲。舉動而有所得。財本臭污者。故應之。

履忽破 凶

占 夢此主童僕有災。妻妾有悔。子姓有不祥之兆。一隻破壞。禍在一人。夢破一雙。必有奇禍。乃災患。忽生之象也。

帶履而行

占 象也。

着棕鞋

占 夢之者。主每事當敏速。

着小鞋

占 行止不安之兆。主事無爽快。遇多淹蹇。

着破鞋 吉

占 鞋一破。則去革存圭矣。圭。命圭也。兆之士人當執圭受皇恩。顯者登高位。覲天顏。庶民喜事至。家業興。吉。

履污泥 凶

此受辱之象也。夢此。雖素履不失其正。而殃咎亦不能免。恐有無妄之災。若素行不端者。必有大禍也。至。

着鐵鞋 吉

占 夢此。有不畏荆棘。不避險阻之象。文臣涉歷艱難。而能發奸摘伏。武士擒獲叛亂。而能拓土開疆。大吉之兆。

以銅為鞋

占 夢此者。主有同行之兆。士子得良友。婚姻得佳偶。商旅有客伴。出行共飲酒。避難往他鄉。兩人相携也。手。

屨被人竊去 否凶

占 欲行得屨便能行。夢中竊去不祥徵。曰 奴僕生心將背主。閨房婢妾有私情。

着屐走殿陛

齊世祖在襄陽時。夢着桑屐。行太極殿階陛之上。庾溫曰。屐者。運應木也。後果即帝位。

着屐涉水

占 履為雨具。而夢着行水。此小舟遇灘之象也。危險甚矣。得登岸者吉。半濟者凶。

渡水靴不濕

占 衛中行為中書舍人。時有故舊子弟。赴選投衛論。囑衛欣然許之。駭榜將出。其人忽夢乘驢渡水。蹶墜水中。登岍而靴不沾濕。訪之秘書郎韓衆。衆被酒解曰。公今年選事不諧矣。據夢衛生相負。足下不沾。及勝出果然。

襪無底 凶

占 主鮮克。有終之兆。占此生意無恒。畜物不久。更有尅妻喪子之恐。不利。

裹脚

占 脚乃行動之官。裹之則束縛之兆也。夢之者。凡事當小心謹慎。勿宜放縱閑遊。恐有失足履禍之虞。

兜膝

占 貞吉 否凶 膝中之骨。乃後天所生者。兜之乃保護之兆。主宜自愛。有病當清養。是非場中休去。衙役叢中休走。更防測險之危。

錦衾 吉

占 朱長文母周夫人有娠。夢覆錦衾。說者曰。是生子必能文矣。已而生長文。十歲能屬文。十九擢甲科進士。及既冠。授秘書省校書郎。

睡紅錦被 吉

占 睡者安象也。紅喜色也。兆此主喜事臨身。滿門吉慶。事事清吉。

鴛鴦枕 大吉

占 鴛鴦枕今合歡裘。家庭和平。子孫興。時得旺。今諸事吉。老者壽。各安寧。

○○○ 褥毯類

坐座褥

占 坐褥。蒲團也。坐之者。即坐蒲團之象。夢之宜焚香。誦經。奉齋。禮懺。主智慧。開功業。進作事。亨。沙門。兆。之。或超。凡界。

虎皮褥 否凶

占 易曰。大人虎變。其文炳也。虎皮為褥。不獨美觀。且壓邪耳。若夢此者。反非吉兆。褥有耻辱之義。又居于物之底。貴者失其貴。勇者失其勇。而爪牙之威。竟成鳥有耳。

褥席見賜

柳慶遠從兄世降曰。吾昔夢太尉以褥席見賜。吾遂亞台司。適又夢以吾褥席與汝。汝必允我門。慶遠果開府。

蘆花毯

貞吉 否凶

占 蘆花散象也。以此為毯。散而復聚矣。兆之者。作事始難終易。無初有終。

○○○ 帳幃類

坐虎皮帳 大吉

占 虎皮帳坐壯威嚴。顯者還當爵位遷。士人名登龍虎榜。拜相封侯。應有年。

芙蓉帳 吉

占 夢坐芙蓉帳。夫榮子姓昌。紅顏小有恙。祝禱並無妨。詩曰。芙蓉帳煖度春宵。

紅錦帳

占 紅錦帳坐兆巍然。顯者占之祿位遷。生意謀為俱有利。婦人有孕決生男。

紅羅帳內有燈光 吉

占 紅羅帳內有燈光。重重生意。有財并有子也。

〇〇〇巾帶類

紅汗巾 吉

占 夢之者。主有喜事。臨身。大吉之徵也。

失手巾

占 兆之者。主悔脫病。痊患除之象。吉。

玉帶

晉帝夢一玉盤中。有玉碗一。玉帶一。皆有碾文。光熒可愛。寤以問群臣。李儀慎以為玉者帝王之寶。

也。帶有誓功之兆。盤盂乃守器之象。實為吉夢。

犀角帶 大吉

犀牛愛月。又喜聽泉。聲聒清而至靈之物也。且其牛有九角。得此角而為帶。品貴清高之象。夢之者爵位尊。功名顯。或平日有德有才之士。定屬欽選。垂名青史。常人兆之。生涯有利。孕婦夢之。貴子可望。諸事可謀。吉。

象牙帶 吉

牙帶腰懸。位高德重之象也。顯者夢之。必居台位。燮理陰陽。輔佐聖明。圖形烟閣。士者夢之。名登金榜。凡事俱吉。

百寶帶 吉

貴人所懸束者。夢之。必主富利。纏身。貴人扶持。士者。必主欽賜皇恩。永享天祿。商賈。必獲奇珍異寶。

夢林玄解

卷十六

三

日利吉

金帶吉

占 夢之者。孕婦必生貴子。儒者定躍龍門。吉占也。

銀帶 大吉

占 此初登雲路之象。兆之者。主大富。招貴子。應長壽。大利之占。

〇〇〇囊帕類

鬚囊 吉

占 鬚。丈夫氣概。囊。包裹之具。夢之事。得意。財得聚。有長鬚者。夢之。尤佳。

琴囊

占 此乃文人隱士用之。以盛琴耳。仕者。必告老歸家。隱居林下也。

被囊 貞吉

占 夢之者。必主有遠行。若為商。在外者。兆之。主捉裝返棹。

頭扎紅帕 凶

占 兆之者。主喪服動。戒爭競。凡事小心。忍耐為吉。

扎素帕

占 此老景安。康之象。青年者。兆之。主益壽延年。少年者。兆之。恐有疾病纏身。凡事當素位而行。守舊則也。

日吉也。

〇〇〇環釵類

佩白玉環 吉

占 君子無故。玉不去身。夢此者。禍患去。疾病消。訟事解。婚姻成。喪服除。語曰。去喪無所。佩諸事禎祥。

夢林玄解

卷十六

環釵

三

夢占

日之兆

簪黃金釵 吉

占 黃金。即貴客之徵也。簪與之相孚契也。占之主貴人相親。富貴即至。門閭日新。兆生貴子。賢孫。凡事皆吉。

簪鳳頭釵 吉

占 鳳乃靈鳥。頭為元首。凡夢之者。士人必登高第。出行主遇美人。婚姻定有良緣。商賈必獲奇貨祥瑞也。

簪荆釵

占 裙布荆釵。庶民之服飾也。昔漢梁鴻曾聘孟光。王狀元曾聘錢氏。若婚姻兆之必成。主得賢婦。先貧後貴之兆。

釵忽折 凶

占 兆之者。主有喪妻之厄。日 奇賈防有失脫之災。

竹釵 吉

兆此者。主曠夫得好姻。處女嫁貴夫。更獲門庭清吉。閨闈貞烈之象。

雙鳳玦 利吉

雙鳳。主喜事重重之兆。夢此家業亨。生涯利。夫。婦。齊眉。兄弟聯芳。椿。萱。永壽。孕婦兆之。有連生貴子之徵。

夢林玄解卷之十六 終

夢林玄解

卷之十六

環釵

三

夢占

吉聞

吉聞

夢林玄解卷之十七

夢占

飲食部

泉茗 雜物

酒漿

五穀

蔬菓

餽饌

〇〇〇泉茗

飲天河之水 大吉

占曰

天一生水。為五行之首。而萬物所自始。天河之水。為百川之源。而眾流所自出。夢飲此水者。主大貴。之兆。居官沐天恩。居家受天福。武將得天機。文士食天祿。有疾遇天醫。生男必天玉。

侯弘實冲齡。嘗寐于簷下。天大雨。有虹自河貫於其口。良久虹沒。及覺。母問有夢否。對曰。夢入河飲水。飽足而歸。後數月。有僧詣門。母呼弘實。請僧相之。僧曰。此蜺龍也。官必顯榮。同光三年。弘實從與聖太子收蜀。節制夔州。

飲天泉 吉

占 天降霖雨也。夢飲之者，得沾膏澤之兆。飲於路中，遇貴人提攜，飲於簷下，得直言訓誨。啜於盃中，主有親友見招，酬酢歡娛，煎於釜，齏，必有良朋講習，互相資益。

冰雪化水而飲之

占 冰雪非麗日不消，非和風不解。夢飲其水，有先難而後成，絕處逢生之兆。名利艱辛而後得，交易阻隔而後成。婚姻正當佳期，遠別適相會，遇獄訟得脫其災，屈辱得雪其恥。

飲山泉

占 夢中渴飲山間水，恬澹清涼可樂飢。寒士固窮無煩惱，無榮無辱亦無非。

飲海潮 大吉

占 此當朝沐恩之象。學文學武，夢此大貴。名揚四海，應選候缺。夢此高擢，身顯一方。行商坐賈，夢此得

財。魚鹽多利。隱士山人。夢此馳譽，丘壑風流。

飲江湖之水 大吉

占 江湖之水，浩浩湯湯。夢飲之者，心廣體胖，發榮滋長之佳兆也。更當以夢中所見推之。休咎可決。王仁裕夢以西江水濯腸胃，見沙石皆為篆籀文。遂飲之。文思益進。因號詩集為西江集。

飲池沼之水

占 圓者曰池，方者曰沼。水泉停蓄，不出範圍，如中規矩。夢飲之者，舉子赴春官，應作鳳凰池上客。書生試學院，當為辟雍池畔人。若醫家夢此，隔垣見物，術如扁鵲也。

飲溝渠之水 凶

占 不潔之水也。夢此為汗辱之兆。病人有鬼祟，訟事有刑罰。又忌出行謀望。

汲井泉而飲之 貞吉

井泉冬溫夏冷。利於日用。夢汲而飲之。其占有二。一。家居夢此。水清潔者得財帛。水污濁者事難成。異鄉夢此。自汲取者歸鄉。井。人汲授者音信至。

茶茗 吉

氣清香而味甘苦。止渴生津之異品也。惟與文人墨士相宜。不與庸夫俗子相得。夢受賜者沾恩澤。夢餽送者結姻親。夢煎煮者解熱除煩。夢吸飲者洗心滌慮。

賜茶 大吉

夢帝賜茶。朝臣主宣召。鄉紳主存問。夢神賜茶。未娶得良緣。已娶生佳胤。夢佛賜茶。在家佛力護。出家道心堅。

烹茶

是夢也。以茶奉尊長。諸事順適。所求必得。以茶會親友。眾心和同。所謀必成。童子煎茶者。主安康悅。

自手烹茶者。主閑暇從容。

飲茶 吉

嫩綠旗鎗。雨前採取。茶茗之上號者。夢飲一碗喉吻潤。兩碗三碗汗液生。夢飲四碗才思發。五碗六碗肌骨清。七碗八碗喫不得。九碗十碗通仙靈。

茶不至而渴甚

奚陟少年。夢夏日與朝客二十餘人。就一廳中喫茶。陟東行首坐。茶起西。自南而行。不得至奚。渴甚不堪忍。俄有一吏走入。肥大。抱簿書近千餘紙。以察致筆硯請押。陟方熱又渴。兼惡其肥。忿之。乘高推其案倒。且將去。濃墨滿硯。正中文書之上。并吏人之面。手足衣服。無不沾污。乃驚覺。夜索紙筆。細錄藏于巾笥。後十五年為吏部侍郎。時人以茶為上味。日事修潔。陟性素嗜。先為茶品一副。餘公卿家未有也。風爐越甌。盃托角匙甚佳。時已熱。因請同舍郎就廳茶會。陟為主。東面首坐。坐者二十

餘人。既緩行。又少。揖客自西面始。雜以笑語。其茶益遲。陟先有瘡疾。加之熱。乏茶不可得。燥悶頗極。遂巡有一吏肥黑。抱文簿兼筆硯。漉汗請押。陟燥忿不能堪。乃推去。并案皆倒。正中吏面。及簿書盡汚。坐客大笑。陟方悟昔年之夢。語於同省。取所記事驗之。若合符節。

清茶淡飯

大吉

名利不染。參玄止靜之象也。家居夢之。門庭清吉。詞訟夢之。官府清廉。若羽士沙門夢之。修真悟道。得成正果。

酒漿

酒

貞吉 否凶

酒之功用。載諸經傳。咏於詩歌。不假言矣。然能成事。亦能誤事。能治病。亦能增病。厥品固有不同。飲之貴適其可。凡夢此者。以類推占。○夢得醇醪。主榮華而安樂。夢得糟粕。主窘迫而困窮。夢馨香甘

曰 美。主喜事來臨。夢齷齪冷澹。主險難多故。夢味酸。主嗟嘆悲傷。夢味澁。主貪慳鄙吝。夢味苦。主勤勞不素。食夢味辛。主謙讓起畏敬。

飲三白酒

凶

曰 熟米細麴泉水所釀成者。謂之三白。夢飲此酒者。其各義非佳兆。一白主霜雪。天寒地凍。一白主喪服。執杖披麻。一白主水災。田園荒廢。

飲白酒漿

吉

曰 醴也。味甚甘美。不善飲者。設此以待之。得是夢者。出外遇賢主。居常有嘉賓。相接以禮。飲不及亂也。曰 兒童出痘疹。夢此者。漿頂滿足。不須服藥。

天雨酒受而飲之

占 是夢也。得沾天祿之兆。貴人夢之。主承恩受賜。若尋常夢之。而占乃血氣旺於黃庭之表。腎火貫及

夢林玄解 卷十一 四
曰 丹田之中也。弗醉則病除。大醉則病發。

酒泉 貞吉

天有酒旗星。地有酒泉郡。夢得酒泉者。主飲而不竭之兆。居官則安享萬鍾。居家則惠養千口。若夢飲醉者不祥。○嘗聞有一人。夢步入山谷中。得泉源而飲之。其味乃酒也。飲醉而寤。及寤大醉。未幾作病。

把酒邀月 吉

酒以為人合歡。邀月則有步蟾宮賞嫦娥之象矣。秋試者夢此。必領鄉薦。新婚者夢此。喜結良緣。若詩客山人夢此。其常態也。無占。

與鬼神共饗醪

華僑頗通鬼神。嘗夢同共饗醪。醒則醉吐狼籍。

酒柱盃中火起 凶

夢此乃陰盛之象也。國家主臣下擅權。縉紳主僕妾為禍。若常人夢之。恐有倉卒事。易曰。弗過防之。從或戕之。凶。

壺中酒一吸而飲盡

酒是人間祿。飲盡則祿盡矣。夢此主祿盡則亡之兆。年高者夢之有險。病久者夢之則危。

飲酒無餽

有酒無餽。是不適意之兆。夢之者主作事不遂。謀為不暢。只宜閉門謝客。謹守為吉。造酒者兆此。獲利。大。貞吉。否凶。

濁醪餽飯

貞吉 否凶

食精則能養人。酒美則能益人。濁醪餽飯。是不精潔之物也。夢此諸事不利。病者未痊。當祈禱求醫。

曰方吉。惟農家兆之。平安無事。

酒淘飯 吉

是夢也。為既醉既飽之兆。士人學問有餘。商賈財貨充足。有餘者不願膏粱之味。充足者不求文繡之衣。吉。

以酒和羹而飲之 吉

酒者。麴蘖所成。羹者。鹽梅所就。夢和之而飲者。仕宦居調燮之任。國泰民安。衆庶享和平之福。家給人足。金甌卜相。必得其人。如傳說之賢也。吉。

一杯羹 吉

鹽梅得中。然後成羹。詩曰。亦有和羹。既戒既平。其兆甚吉。夢白手烹調者。職居輔相。夢神人賜飲者。孕生賢良。夢啜不下喉。先難後易之兆。夢飲盡而甘。變更在即。而富貴在邇也。

菜羹 吉

邵康節母李氏。其姑張氏遇之甚嚴。欲自盡。夢神人令食羹一杯。曰。勿自盡。乃生康節。

生薑湯 吉

夢此者。澹泊明志之象。志在求道。滋味甚長。志在求名。聲譽甚遠。高士賢人之休徵也。

荳莢湯 吉

薑湯味辛而溫和。宜於冬月。夢飲之者。主禦寒氣。通神明。去穢惡。止嘔吐。治泄瀉。暖脾胃。中風中寒之症。有起死回生之功。

糖湯 貞吉

荳莢湯。所以當茶。夢飲之者。主親戚來會。或故舊相訪。○豌豆圓轉。豇荳聯絡。茅荳村俗。扁荳清雅。糖湯味甘。齋戒者飲之。以當酒。僧道夢此。主修齋設醮。尋常夢此。主有疾求醫。修齋者必受福。有疾

曰者即得痊也。

薄荷湯 吉

薄荷味辛而清涼。宜於夏月。夢飲此湯者。主除煩熱。解焦躁。定驚悸。止消渴。中暑霍亂之症。而可立也。

木樨湯 吉

木樨。桂子也。夢飲此湯者。得餘潤之義。主有子孫弟。侄。拆桂而回。沾其恩波。被其德澤。喜氣盈門。笑語一堂也。孕婦夢之。主生貴子。

橙皮湯 吉

橙。香物也。字從登木。夢飲此湯者。士人秋試可喜。為。天香滿袖之徵。常人兆堂可虞。為登木悲歌之兆。書生幼小夢此。年十八必主登科。

陳皮湯 吉

陳皮。蘇爽。寬中利氣之物。夢飲其湯者。心平氣和。精神爽。煩惱除。忿怒息。憂悶散。若病人夢之。當遇良醫。

蜜湯 大吉

俗謂之和同湯也。新婚者飲此。凡夢之者。門庭喜慶。家室安寧。父慈子孝。兄愛弟敬。夫和妻柔。姑賢婦順。無論疏遠。皆親密也。

湯如明鏡 吉

以銅為鏡。見儀容。以人為鏡。見吉凶。夢湯如鏡者。所謂見堯于羹也。主其人脩身慎行。動容中禮。正其衣冠。尊其瞻視。謀道不謀食者乎。

滿河是湯

夢林本解

酒漿

七

夢占

占 此夢為金城湯池之兆。居官者宜預防守。設險以保其國。居家者毋忘戒懼。除器以備不虞。若農夫夢之。主雷雨之兆。

桶內湯

宋。吳中有朱進士者。聽佛印禪師講金剛經而悅之。次日夢一鬼押五人。朱亦同行。約二里許入一門。挂青布簾。鬼揭簾俱入。見竈上桶內有湯。五人皆飲之。朱欲飲。鬼喝云。聽經人不得飲。遂驚覺。明日覓其家扣入。問主人厨下有何動靜。否。主言厨下方產六犬死其一。朱乃驚悟曰。所謂迷魂湯者是也。有懼內之疾。故夢此鬼。聽講敬信。故得不迷。

飲油

占 貞吉 否凶 油者。滑澤之物。亦脂膩之物。夢飲之者。書生文思如流。筆機不滯。枯腸得此而潤也。鄙夫妄想干端。奸詐百出。慾火自此而熾哉。

飲醢 凶

占 醢。醋也。夢飲此者。令人酸鼻之兆。生離死別。難免悲痛。情懷待物。接人不脫。寒酸氣味。婦女夢之。必生妬忌之心。有怙寵之態。

飲鹽滷 凶

占 味苦而鹹。非可飲之物也。夢飲此者。為太渴之象。凡事無益而有害。求榮而反辱。疾病有屬續之危。出行有覆舟之患。

飲乳 吉

占 乳者。嬰兒所食。醫方用之。取其能滋補。夢飲之者。必得養生之妙術。少壯者主延年益壽。高年者主返老還童。

飲血 貞吉

占 血者殺禽獸以取之也。夢此為軟血之象。異姓結義。則誓海盟山。寃屈不明。則指天畫地。惟飲鹿血。乃却病延年之徵。

〇〇〇五穀

食穀 大吉

占 穀者祿也。有食享天祿之義。士人夢此。未任得祿。已任增秩。常人夢此。行有餘糧。居有蓄積。農夫夢此。田禾大熟。收成多。得。

食米 凶

占 是夢也不祥。主死亡之兆。以米字分之。則為八木。八木所成者。棺也。食米為飯食。乃入棺之象。

天雨粥 吉

蒼穹錫祿之兆。孔氏鼎銘曰。饘于是。粥于是。以饗于口。凡夢此者。主天祿無窮。年壽永久。○君相夢

占 之。歲險民安。官吏夢之。事繁祿薄。富室夢之。宜博恩廣施。貧人夢之。得仰事俯育。夢弗食者。必其立志高尚。夢飽食者。不如不飽之吉也。

人授麻粥 吉

占 胡麻作粥。見天緣。夢裏加餐百病痊。果若有人來賜此。筋骸康健地行仙。齊宣孝陳皇后生高帝。帝二歲時。乳人乏乳。后夢人以兩甌麻粥與之。覺而有乳。

菘苳粥

占 菘苳性涼。能解毒。作粥用之。消暑氣。夢食此者。血脈和調。膚色光瑩。無瘡瘍之患。無煩熱之疾。夏間夢之。為應時。餘月不利。

麥飯 吉

占 光武行軍乏食。馮異以此進之。非能適口。但可療飢。夢食此者。遇難得濟。處困得亨。雖流離之際。而

曰 可保安
全也。

乞粥食凶

占 是夢也。乃不祥。為飢荒之兆。又為貧乏之徵。貴者失其貴。富者失其富。老者不得安。而少者不得全也。惟病人夢此。有可生之機。

欽賜大米飯吉

占 大米藏之御廩。賜飯出於光祿。得此夢者。有食祿天朝之兆。外任主 欽取。內任主 特恩。告老蒙存問。若貧賤者夢之。有非常之喜。無論男女。受 皇恩。食天祿也。

眾人共飯吉

占 夢此者。為博施濟眾之徵。化行於上。俗美於下。勸農鳩工。造舟作舍。家給人足。男婚女嫁。困窮得享。縲紲遇赦。設醮修齋。功德無價。

當飯吐哺

占 此有事。關心不遑暇食之兆也。凡夢飯主怒氣。噉飯主病患。若含哺鼓腹。乃為歡欣之象。含而吐出。則有緊急事。未能安舒自得也。

食甕中飯

占 甕非盛飯之具。飯多則貯之於甕。就其中食者。不雅觀。資糧有餘。而器不足之象。夢此者。雖富而鄙吝。不欲為人觀視之美也。

食囊中飯

占 是夢也。主裹糧之兆。武士占之。與師動眾。商旅占之。出外遠行。若不事生業者占之。當作丐乞之類。

食麻糍

占 生辰祭享設麻糍。午夢初回猶未知。問起亡兒遺稿在。前生今世一般詩。

宋太學生葉文鳳。年十八。登進士第。官天台。赴任途遇生辰。午睡夢食麻糍。覺聞鄰嫗哭。因扣之。言今日亡兒生辰。期以麻糍祭。葉又詳問。嫗曰。兒陳希曾。本縣以詩亞薦。尚存稿在。葉求閱。卽及第之作。無一字差舛。是知前生子。遂載之任所。

裹粽 吉

以蒲葉裹米而煮之。弔忠魂之遺事也。屈原自沉汨羅。後人競渡致祭。投粽于江。防魚鼈食耳。迄今為端午節。名曰魚黍。夢此者。主生男育女之兆。男子志在四方。是裹粮之徵也。女子足小為美。有繫帛之象焉。

解粽 吉

是夢也。主解衣推食之兆。事君者受恩寵。交友者遇良朋。出行者逢好伴。又得賢主。解其葉長為大吉。葉短為次吉。

食餅

占 夢此主前後圓合之象。婚姻夢之。得成就。交易夢之。主兼并。病患夢之。有良藥。科舉夢之。應在丙子年。凡事皆利。

食圓子 吉

占 此團圓之象也。久別者夢之。骨肉重聚。恩情愈篤。家居者夢之。娣姪盈室。兒孫滿堂。鰥寡者夢之。斷絃再續。破鏡重圓。俱應在觀燈十五。

人送糕至 大吉

占 糕與高字同音。夢之者無有不吉。銓選得高擢。貢舉得高第。結婚得高門。從師得高貴。遷移得高居。祈祝得高壽。設帳有高徒。問病高枕。無憂也。

麵 大吉

夢占

五穀

七

夢占

占 麵者。麥之精華。以荳和之。可成麵漿。又可合醬。以水調之。可備饗發。亦可作漿。凡夢此者。諸事和調。眾心順適。禱祠祭祀。益壽延年。○麵者。面也。久別者夢之。必得會。面。求見者夢之。必得識。面。

作麵漿

占 臨事糊塗。不清潔。百凡破碎。得補綴。夢此者。薄者厚而缺者完。有整舊重新之象。言語慎飲。食節。有轉禍為福之機。

食饅頭

占 三國時。孔明造此以祭瀘水也。後世謂之饅頭。北方食之。當飯。夢他人食者。主喜慶事。夢自己食者。主口舌散。夢人授之。而不食者。主慍怒憂悶。

食餛飩

占 打疊包裹。兜收不露。夢此者。商販。囊橐充盈。婚娶裝奩豐盛。詞訟。必得講和。胎孕。亦主安隱。惟問功

曰 名。占疾病。乃為不吉。

食索粉 大吉

占 瑩淨而無查滓。聯絡而得綿延。文士夢之。和恩流利。耆老夢之。年壽永長。凡夢之者。春主歡會。夏主清心。秋主寡慾。冬主宴樂。四時俱慶。無不為吉。

人饋荳

占 此兆。主小口有痘疹之災。多則稠密。寡則稀少。如其家無幼稚而夢此。須防盜賊。

炒荳 貞吉

占 夢此者。主被人攻擊刻剝之兆。或因作事失計。或因財物相爭。或有詞訟不平。必分惠以結眾心。則無悔。

煮荳作饌 凶

醬 吉

占 此諸事煎熬。不得遂志之夢。夢此者。兄弟不睦。獄訟頻仍。若其家嬰兒痘疹。夢此主凶。

占 醬者。和調滋味之所宜。不得其醬。聖人不食。夢合醬者。主喜慶事。夢食醬者。主得利益。以醬和羹。眾心歡悅。食肉用醬。諸事均調。○又醬與將帥之將韻協。夢醬美好。軍容盛。夢醬廢壞。武人凶。

食糟糠 吉

占 糟有遭逢之義。糠有康寧之兆。夢食此者。求利各必。有際遇。占疾病。主得痊安。若農家問歲時。為飢荒之象也。

○○○蔬菜

天花菜 大吉

占 夢此主價高品貴之兆。士人錦心繡口。文如天花亂墜。仕宦腰金衣紫。位至天官冢宰。出行無險阻。

曰 走馬如飛。經營獲財貨。歸舟滿載。

青雲菜 吉

占 生海島間。望之如雲也。文人夢此。必登雲路。武士夢此。有事海濱。居常夢此。將有遊觀之樂。遠行夢此。即得還歸之期。

石花菜 吉

占 烹治以食。謂之瓊脂。伊蒲饌中之佳味也。夢此者。商人獲珍寶。無中生有。文士發才思。錦上添花。若女子夢食之。不能孕育。

金花菜 吉

占 夢此者。仕宦任滿。必得金花紫誥。其餘名利通達。田土增益。所志必伸。所謀必遂。惟求子者不宜。

菜與殿基齊

宋真宗臨軒策士。夜夢殿下有菜一苗甚盛。與殿基相齊。及拆第一卷蔡齊。上見其狀。堂曰。得人矣。詔金吾給衛士七人清道。尋詔自今第一人及第。令給七人當人。許出入。則兩對引喝。傳呼狀元。始為定制。

苴菜芥菜 吉

占 俱水中之美菜也。夢苴菜者。久客必得還鄉。且得遠害。夢芥菜者。未婚必得賢配。且得佳兒。

芥菜 吉

占 是夢也。文士功名唾手。取壽紫如拾芥。武將行伍齊心。斬寇盜如草芥。尋常夢之。有疥癩之疾。

水芹菜 吉

占 潔白之品。可以薦宗廟。清芬之味。可以獻王公。夢採之者。事神有敬。信之誠。夢食之者。治家有儉素之節。夢人與我。有意想不及之。既。夢我授人。有約結相契之交。

莧菜 貞吉

占 莧菜感陰氣而生。夢食之者。利女人。不利男子。易曰。莧陸夬夬。中行无咎。若所行不中。即有咎矣。胎孕者夢此。主易產。

萊菔 俗名蘿蔔

占 夢食此者。未為佳兆。有辛苦之煩。有匍匐之勞。生子夢此。必為人僕役。出行夢此。必多費盤纏。惟病者得愈。失物可尋耳。

薑 吉

占 薑可通神。可除穢。可禦寒。夢食此者。有祭享之事。有療病之方。有溫和之氣。心安神靜。運通時泰。災消病除。商旅夢之。南行大利。

蒜 貞吉 否凶

夢占

味辛而葷。食之神昏氣濁。雖有化肉之功。辟邪之効。不足稱也。夢食此者。當敬鬼神而遠之。蒜者。算也。算增則福壽。算減則貧窮。算盡則死亡也。

慕容紹宗數有凶夢。每惡之。私謂左右曰。吾數年以來。恒夢有蒜。昨忽夢盡。蒜者算也。其算盡乎。未幾與劉豐臨堰乘艦。有暴風斷纜。其艦徑飄敵城。紹宗度不能免。自投水死。

葱 吉

中通外直。其色如翠。葱者聰也。夢此者。耳聾之人。得聞聲。產。肖之子。必聰。明。又主有倉卒事。急於遠行。其狀匆匆。然之兆。經。營。商。販。財。利。充。盈。得。名。曰。從。容。

韭 貞吉

韭者久也。有九之數焉。夢食此者。出仕。當九遷。其官。或九年其任。應。舉。唱。名。在。第。九。或。歷。試。九。科。凡。事。多。寡。之。數。皆。以。九。為。度。吉。凶。禍。福。即。夢。中。所。見。與。身。之。所。處。觸。類。推。之。

花椒 大吉

椒氣芬芳。可以辟除邪惡。其實繁衍。條取即可盈升。夢食此者。眼目光明。疾病不生。永無瘡瘍之患。女人夢此。貴在椒房。不然。亦主多子。

茴香 吉

茴有回歸回還之義。夢此者。行人不久歸家。失物復還故處。遠客他方者。行此。亦必還鄉矣。

桂皮 大吉

取其香氣。以和調滋味之所宜。而非可咀嚼之物也。書生夢此。為折桂之兆。常人夢此。為見貴之徵。懷孕夢此。當生貴顯之子。

香椿嫩葉 吉

椿為木中之王。主貴。以千歲為春。主壽。夢食此者。春試得捷報。銓選得春曹。椿庭壽享遐齡。座客春

占

蔬菓

夢占

曰風和氣。女子夢之。有懷春之思。詩人夢之。有遊春之興。

萱花 大吉

占 萱草合歡。食之令人忘憂。夢此者必有喜慶事。或受恩封拜。或赴任榮歸。或婚娶。或祝頌。宴會歡呼。鼓樂喧填之兆。又名宜男。胎孕者夢之必生男。

採薇以食

占 詩云。陟彼北山。言採其薇。又云。採薇採薇。薇亦作止。夢此者。征夫以遠行而身勞。室人以憂思而心苦。久別者必得會合。遠行者必得還歸。既見君子。我心則夷。是也。

麻菰

占 夢此為比昵羣小之兆。女人長齋者夢此。必有觀聽佛老之事。患病者夢之。宜許佛愿。訪道者夢之。必遇真仙。

山藥 吉

占 一名薯蕷。藥材中之食物也。少壯者夢此。添精益髓。高年者夢此。却病長生。若虛損之症。夢此。其疾即愈。

竹筍荻笋 吉

占 夢入竹林取笋者。文臣入棘闈。必得佳士。武將得節鉞。必殲渠魁。又主生男之兆。○夢人饋笋。主病痊。以笋送人。為節制。夢以笋點茶。接人待物。處事有節。夢以笋作羹。立身行己。順理無私。

芋 吉

占 漢光武之所寶也。出軍夢此。糧餉有餘。行旅夢此。囊資充足。貧困夢此。饗飧有備。流離顛沛。夢此。不至於斷火絕煙。

紫茄 吉

夢林玄解

卷十七 蔬菓

三

夢占

占 夢人授此。得童僕。夢以授人。主交易。
曰 夢生食之。主生男。夢熟食之。主生女。

銀茄 吉

占 君子夢之。作事多疑。常人夢之。出行遇貴。被冤。
曰 夢之得白。疾病夢之得蘇。憂苦夢之樂。事至。

人授葫蘆

張洄夢神人授葫蘆。子曰。汝種後庭。以學水遯。十月十八日。使仙伯教汝。時洄為爾朱榮家傭。次日有襄陽人。以一葫蘆與之。洄取其子種房後。生二十八枚。及冬。果遇耆老。語以遯法。後榮被誅。榮子兆率騎攻洛。自河梁西涉。洄潛水中而逃。

瓜瓠 即絲瓜 葫蘆也

占 架上摘取。釜中烹治。高潔之品。而得和調之宜。夢食此者。凡事仍舊。不可更張。有恙即愈。不待巫醫。夏秋為應時。得全吉。春冬次之。若天行痘疹。夢此小口無傷也。

王瓜 吉

占 此不斂藏之種。始夏即生之物。夢取此者。祭祀受福。貴時物。致孝享也。夢食此者。主病痊。眼暗復明。脾泄即止也。

西瓜

占 夢此主多子之象。子黑者貴。紅者賤。白者無成。若夢食之而清涼。主病痊。食之而甘美。主喜事。如腐爛者為不祥。主有疾。

食瓜甚美

漢武帝陰貴人。夢食瓜甚美。帝使使求諸方國。時燉煌異瓜種。名穿陰。又名穹窿。瓜長三尺而形屈曲。味美如飴。父老云。有道士從蓬萊得此瓜種。食之不飢。燉煌以獻。符所夢云。○後魏宋瓊。冬月。母病思瓜。瓊夢見人與瓜。覺得手中。以奉母。時稱孝感。而事傳魏國。

五色瓜

附瓜子

占 枝連蔓引。牽纏積累之兆。夢此子孫繁衍。世系綿遠。家長夢之。宜分財產。病人夢之。宜祀祖考。訟者夢之。未能結局。出行夢之。未得通達。○ 夢食瓜子者。須防小口有災。臨產有險。

神賜嘉菓 大吉

占 菓者。成實之象。夢神賜者。必其果行育德。而得成正果者也。若懷孕而誕生。乃天錫佳胤之兆。元東平萬戶府參議張之純。夢謁孔子廟。得賜嘉菓。既而生子。因丐名於衍聖公。名孔孫。

燈下授菓 吉

占 夢此者。主有喜慶之事。為人上者得民心。為人父者得子力。室家安寧。兄弟和樂。若夢袖而弗食者。主久客他鄉。

橄欖

占 橄欖號稱回甘。夢食此菓者。凡事先難後易。苦盡甘來之兆。文人攻苦。食淡方有顯名。厚實之榮。武士披堅執銳。始得報功。酬勞之典。商賈涉歷艱辛。農工終歲勤動。然後財貨有餘。而資糧充足也。

蒸梨

占 蒸梨。鬱勃之氣。聚而復散。夢此者。夫妻反目而分離。財帛失脫而難覓。病人反覆而未痊。行人羈留而未至。惟耕種畜牧者。夢之大利。

剖梨

楊進賢任南陽刺史。登舟遇風。失其子。夫婦想念甚切。忽夜夢與兒剖一梨。因自解曰。剖梨。分離也。明日述所夢於友。友曰。梨開。則見子矣。不旬日。果得其子。

人贈菓

占 求名夢此。蚤有譽於天下。求利夢此。財百倍而稱心。求子夢此。即得男而大貴。病患夢此。災悔除而

夢林玄解 卷十七 蔬菓 六
曰 康寧。惟逃竄夢之無路。官事夢之受刑。

蟠桃 吉

曰 蟠桃是仙家之菓。夢得此者為壽徵。夢啖之者生貴子。若夢人取去者主損失。夢人送進者利西行。

道人贈桃 吉

曰 桃。仙菓。道人。有仙風道骨者。夢此謀為有成。功名有就。壽得長生。利獲十倍之兆也。孕婦夢之者。生男大貴。病人夢之。不藥自愈。

梅實 大吉

曰 夢梅者。吉兆也。男夢得賢妻。女夢得佳婿。梅味可調羹。縉紳夢此。職居台鼎。梅占百花魁。貢舉夢此。首登金榜。食之止渴生津。病人夢之。得神醫。又得長壽。

杏實 吉

曰 舉子夢此。得與瓊林之宴。武士夢此。必成奏凱之功。卿相夢此。君心寵愛加恩蔭。平常夢此。家門喜慶。保安康。患難夢此。人力扶持無不利。久病夢此。血脉調和。漸得痊。

杏仁

孟蜀翰林學士辛寅遜。在青城山居。其居則古道院。在一峯之頂。內塑像皇姑。則唐玄宗之女也。一夕夢皇姑召之。謂曰。汝可食杏仁。令汝聰明。老而彌壯。汝有道性。不久住此。須出佐理當代。寅遜拜請。既寤。遂日日食之。老而輕健。年逾從心。猶多著述。心力不倦。

櫻桃 吉

曰 一名含桃。四月方熟。食之令人容色好。富貴者夢此。得美妾。且多子。貧賤者夢此。主酒食。且得財。孤獨者夢此。當入沙門。

壽李 即郁李一名棠棣

夢林玄解 卷十七 蔬菓 七 夢占

占 此夢主幣帛交際之兆。夢已授人。有人送物。
曰 夢人授已。以物送人。夢採而食之。有雷雨至。

石榴 吉

占 皮如錦囊。子如珍珠。文士夢此有奇才。武人夢此有秘策。商販夢此獲重寶。又榴者留也。有久留之義。夢此者婚姻當入贅。塾師當復留。行人未歸。囚者未出。

紫菱 吉

占 庾信紫菱生軟角。夢食此者為頭角崢嶸之兆。
曰 縉紳得之。應為紫袍客。士人得之。當作紫薇郎。

雪藕 吉

占 士人夢此。心竅開通。有經綸之抱負。女子夢此。主素性粹白。有清潔之儀容。姻緣天然之配偶。子嗣得邁眾之寧馨。疾病夢之。夏秋當消導。冬春當滋補。

龍眼 大吉

占 龍眼稱為福圓。夢食是菓者。主多福之兆。居官者龍章錫命。居家者福祿駢臻。修行者功德圓滿。老年者眼目精明。

銀杏 俗名白菓 吉

占 夢此主靈異之象。書生夢之將貴顯。武士夢之建大功。君相夢之得良佐。常人夢之得財物。胎孕夢之生子多才。夢食此者。主遠行吉。

金豆 大吉

占 金豆。即金橘。色黃如金。圓小如豆。夢食此者。主大富貴。家藏金穴。豆觴常設於賓筵。腰繫金魚。俎豆時陳於祖廟。錦衣玉食之休徵也。

橘柚橙柑

凡夢此者。主生男之吉兆。若生女。必再生男。且得貴婿。文士夢此。小試優等。應舉高第。銓選夢此。南

占 人入京師。北人任楚地。卿相夢之。進賢受賞。將帥
曰 夢之。禦虜立功。貧賤夢之。得財。疾病夢之。得瘥。有
非為者夢
之。禍即至。

甘蔗 吉

占 夢食此者。漸入佳境之兆。文士學問日進。任官。祿
位日隆。商賈財利日益。耆老年彌高而德彌邵也。

桑椹

占 王戎夢有人以七枚椹子與之。着衣襟中。既覺占
曰。椹。桑子也。自後男女大小凡七喪。○夢此而食
之。無餘者。
曰 生貴子。

食松花 吉

占 夢此者。志行高潔。四體安舒。年壽遐遠。百病全除。
曰 修真者夢之。必得奇方異術。資助其道。骨仙風。水
醫者夢之。必有妙藥靈
丹。調理其血脉榮衛。

採松子以食 吉

占 此夢為貴徵。亦壽徵也。身榮家富。災消病除。子貴
曰 孫賢。名高譽顯。出仕者位至三公。修行者長生不
老。若孕婦夢
此。生子必秀。

○○○餽饌

天倉餽饌

咸通中。薛逢為錦州刺史。夢入洞府。餽饌甚多。而
不覩人物。有人謂曰。此天倉也。及寤。言之於人。州
界昌明縣。有天倉洞。其洞中有自然飲食。雲水者
往往得而食之。即使道士孫靈諷與親吏往訪。果
得洞如
新夢云。

伊蒲饌 吉

佛門之法供也。此夢為行善修福之兆。主門庭清
占 吉。得孝子慈孫。年高者夢之。念佛持齋。有病者夢

曰之當誦經禮儀。

珍羞羅列

占 食前方丈。富貴者之盛筵也。文士夢之。鄉試宴鹿鳴。廷試宴瓊林。武弁夢之。應舉鷹揚奏錄。應選掛印登壇。庶民夢此。自備家業破敗。人請疾病死亡。

食羊頭

占 大夫無故不殺羊。夢食此者。應試必為解元。爭訟必得和解。病患亦得消散。若耕牧者夢之。為饑饉之兆。詩云。牂羊殳首。人可食。鮮可以飽。此之謂也。

啖鵝頭

占 夢此者。文士有人乞書。武士有人劫寨。貧人主嘔吐之疾。病人主死亡之兆。

天鵝肉 吉

占 夢食天鵝是吉徵。天然喜氣到門庭。閨中夢此生兒貴。在外行人事事亨。

食鴨 吉

占 鴨字從甲。稱為家鳥。有符瑞之義。又有虛無之兆。夢食之者。文士登科甲。武人披甲冑。但能炫耀一時。不得長享富貴也。尋常夢此。壽止花甲一週。

殺雞為黍 吉

占 雞司農而有五德。烹以為饌。名曰鑽籩菜。夢食之者。文人為成德之士。武人為有勇之夫。婦女善相夫子。童稚勤事詩書。若問功名。疾病行人等事。應在酉年月日。

食雁 吉

占 雁亦德禽也。夢食此者。有既飽以德之兆。仕宦者位列大夫。應所執之贊。婚娶者配為淑媛。象所奠之儀。

占 美味也。異品也。非富貴者不得食。熊之為物。強力壯毅。掌有掌握之義。夢此主富貴之象。四體康強。身榮名顯。威權職掌。近悅遠來。胎孕夢此。生男必貴。

食虎肉

貞吉 否凶

占 得此夢者。為自食其力之兆。攘臂而搏諸野。快心而飽其腹。凡事必有勤勞。建功立業。始得厚祿。以供所食。詩曰。不素餐兮。正謂此也。在女人當生貴子。獵戶無占。

食豺狼

占 豺狼為寇虜盜賊之稱。夢食之者。為除強去暴之象。將師建奇勳。海宇賀昇平。婦女夢此。生子不祥。

食狐狸肉 貞吉

狐狸妖媚之物也。夢食其肉者。主除邪媚。去奸惡之兆。曠夫不至於貪淫。怨女不至於失節。更無蛇傷犬噬之害。

食豹胎 吉

占 此八珍之一也。得是夢者。書生文質彬彬。將士威聲赫赫。臨民者。令行禁止。風移俗易。易曰。君子豹變。小人革面。此夢之占。於斯為驗。

食鹿脯 貞吉

占 鹿者。祿也。有得祿之兆。夢神賜者。受天祿也。夢授人者。分君惠也。夢共食者。祿厚也。夢獨食者。祿薄也。之無餘。祿有盡也。愈食愈多。祿無窮也。

食馬牛肉

占 夢此主有事軍旅之兆。不然。亦當遠行。若病人夢之。須過丑牛午馬之期而後得瘥。

食魚頭 吉

占 魚。美味也。頭大者。可以備宴饗。夢食此者。選舉得直臣。職居參政。婚姻得淑女。緣結朱陳。蓋取魚水

曰相投。而有骨鯁之義耳。

食魚鮓 貞吉

占夢此主受人欺詐之兆。理似有而實無。事似真而未定。雖不遂意。亦無大咎。

石首魚

即黃魚也。乾者為白鮓。

占東海有魚。名曰石首。牟尼有病。食之即愈。夢食此者。肢體康彊。年壽永遠。

食鼈 大吉

占鼈者。元也。元首也。舉子夢之。必居榜首。將士夢之。生擒敵首。常人夢之。有異品美味。女人夢之。主子貴。夫榮。

食螃蟹 吉

占夢此為甲冑之象。又為解散之兆。武將在軍。為解甲。舉子應試。登黃甲。鄉試夢食其足。作解元。其餘

曰病訟諸事。皆主解散。

食海參 吉

占其味似猪肺而不浮。夢食之者。心廣體胖。四肢輕健。脉調氣和。年壽永久。

食鼈膾 吉

占夢此者。主有賓客宴會之兆。上下有別。尊卑有禮。貧乏者夢此。富貴相與。衣食得周。病患者夢此。寒暑得調。災悔漸解。

食鰻鱺

占無鱗魚也。凡夢食者。不利於功名之士。若病者得痊。孕者易產。隱居山林者夢之。為笑傲王侯之兆。

鱸魚作麪

占夢此者。凡事失之於善柔。有損無益。義理未能曉暢。機會或至蹉跎。宜好問好察。隱惡揚善。則無咎。

食蛤蜊

占 雀入大水為蛤取而烹之以為饌是夢也。利於居家。不利於居官。凡經營出行。婚姻。交易。疾病。孕育等事。無不為吉。惟仕宦宜解職歸休。不然。恐有陷溺之危。

食蟛蠧

占 似蟹而小。夢食此者。必有不義之財。欲却而不可却。有非禮之事。欲行而不果行。若在軍帥者。恐不得善終。

海螵田螺

占 掩藏其身。破其底而後出。夢此二味。文臣當發奸。摘伏之政。歷任賓師。武將有平寇破虜之功。累官掛印。若在尋常有逃亡失脫。或攻擊。或捕捉。不至落空。胎產者。母子不能兩全。

食水蛙

占 水中蛙。其味似雞。夢食此者。非出人頭地之兆。事難成。利難求。財難聚。更有被人凌虐剋剝之患。謹

曰 慎無妨。

食壘鹽 吉

占 壘鹽。貧士所常食。雖非美物。然有至味在焉。諺云。喫盡滋味。鹽好。夢此者。不求聞達。而名譽日章。不慕富貴。而爵祿自至。蓋壘為采地所出。而鹽乃潮水所成也。

殘食

宋高宗為康王時。宣仁太后時。以殘食食之。一夕夢神人。戒令勿與殘食。后驚寤。

齋戒惟一食

釋慧思辭親入道。數夢神僧。勸令齋戒。惟一食。不食別供。

食鍋中蔬菜 凶

占 鍋所以炊爨者。而食在其中。非佳兆也。夢此主專勢忙迫。謀為不遂之象。凡百謹慎。宜守常。不宜更

曰變宜安靜不宜動作。恐有顛沛流離之禍。

長齋者食葷

平日口是心非。二三其念。外貌假飾。而內意不誠者。方有此夢。夢食而下咽者。吉少凶多。主有病患。曰夢咽而復嘔吐者。災消福至。得以永年。

○○○雜物附

食彩雲 大吉

占彩雲瑞氣也。夢食此者。主登雲之象。士人兆此。鄉試中式。會試及第。若修行訪道者占之。成仙作祖。

食雪 貞吉 否凶

蘇武為匈奴所困。嚼雪吞氈。夢食雪者。王出使朔方。拘留絕食之兆。持節如子卿。則无咎矣。○貴人夢此。玉食萬邦。富人夢此。安享膏粱。常人夢此。游食四方。

食煙 凶

占煙為火之餘氣。主昏迷不醒之象。兆此者須防禍患。病恐重發。事恐失機。謹慎火燭為要。

食土塊 貞吉 否凶

此吉祥之兆也。國夢得土地。拓地開疆。家夢得田園。置產立業。若尋常夢之。為飢餒凶禍之徵。休咎形之於夢。禍福存乎其人。不可執一而論也。

吞石 吉

石之品類不一。有數種可食焉。好善言者夢之。是金石也。見善則遷。喜聞過者夢之。是藥石也。有過則改。若仕宦者夢之。亦吉兆也。祿食二千石。職守石頭城。

食麟脯 大吉

麟脯非人間世味也。夢食之者。貴列天朝。富享天祿。碩人得此而生子。方士得此而成仙。吉祥無

曰 比極佳之夢也。

食白兔 吉

占 皓魄之象也。夢食之者。居官。明照四方。問利。旺當。二月。求名。應在辛卯。疾病勿藥。有喜。孕育。生女。大貴。凡事皆吉。

食海馬 吉

占 此夢出行大吉。作事便利。病人夢之。即愈。娠妊夢此。為龍駒之象。生男大貴。

食熊胆丸

占 此攻苦食淡。不厭不倦之徵也。夢此者。朝乾夕惕。銳志勵精。勤苦有資。發達有日。若非士人。亦為嘗胆之兆。苦盡甘來。凡事先難後易。

食貓睛 吉

占 貓目睛圓。午歛如線。夢食之者。眼目光明。瞳神爽。瞽者必遇良醫。商人必獲至寶。

吞白鼠 吉

占 此發財致富之兆。夢之者。必得意外橫財。科名應。在庚子年。疾病應在庚子日。若娠妊夢之。生男必奇。異。釋智顛母徐氏。夢吞白鼠。如是再三。怪而卜之。師曰。白龍之兆也。乃誕育顛。

食鳳髓 吉

占 鳳。聖瑞也。髓。精髓也。夢食此者。書生得明。師。良友之益。有福至。心靈之慶。其餘皆吉。

吞金雞 吉

占 雞稱翰音。夢此者。文士得入翰苑之佳音。易曰。翰音登于天。此金雞也。星宿中之昴日雞也。女人夢此。生男大貴。

吞鵠鵠

俗名八鵠

占 此夢主禍去福來之兆。魯人有言。鵠鵠往歌來哭。夢吞之者。有歌無哭。

食鶴頂

凶

占 鶴頂。毒物也。夢食之。主凶事至。貴人恐犯。國法。常人恐罹官災。禍患臨逼之兆。病者夢此。藥有不訪良醫。

食九頭鳥

占 九頭鳥。俗名鬼車。不祥之物也。夢食此者。事多繁冗。無庸置喙。心常忙亂。未得疑神。若病人夢之。食盡反生。有餘則死。

食龍肝

吉

占 龍。陽物也。肝屬木。夢食之者。為大亨之兆。仕宦得恩寵。門庭光耀。商賈得財利。囊橐充盈。○醫家以竈心土名伏龍肝。病人夢此。火症轉劇。濕症得痊。

食金鯽魚

大吉

占 金魚。貴臣所佩服。結婚回聘。做用之。以為佳兆。欲其婿之貴耳。夢中所食紅鱗者。即此象也。縉紳承天寵。腰間懸紫袋。士人遇月老。足下繫紅絲。君臣合志。夫婦同心。如魚之得水也。

食蛇鱗

吉

占 蛇。陰物也。鱗。甲象錢。陽主義。陰主利。此夢為得錢財之兆。懷孕者。夢之生女。風疾者。夢之得痊。

食蚯蚓

吉

占 蚯蚓。食槁壤而飲黃泉。至廉之物也。夢食此者。為廉善之徵。功名易就。謀望易成。訟遇清官。交得良朋。婚姻得賢配。孕育得智慧之兒也。

食蜂蜜 大吉

占 蜂蜜百花釀成者。和藥能除百病。夢食之者。災消福至。和同親密之兆。精神爽。肢體康。本元壯。年壽長。上下和睦。子姓永昌。

食花 凶

占 花紅顏也。夢食之者。主私情相約。穴隙相窺之兆。亦多敗少成之象。或閨婦自夢。主夭折。胎孕生女。日 亦不吉。

仙人送花受而食之

占 花屬仙人送。此仙花也。夢食之者。靈慧開。智識高。日 學問進。事業超。有孕者得弄瓦之義。美而主貴。

食藤花

唐明皇微時。至洛陽令崔日知宅。割設饌未熟。明皇因寢庭前。一架藤花初開。日知見巨蛇食藤花。

逡巡不見。明皇覺曰。饑甚。夢中食藤花甚飽。日知乃知他日啓聖之驗也。

吞緝蓮花

馮元七歲時讀易。其母夜夢異人。以緝蓮花與元吞之。且曰善讀此。後必貴顯。元果登進士第。歷官至戶部侍郎。迨老。率三日一誦易云。

食蘭 吉

占 蘭清香之物。夢食之者。解躁熱。除煩惱。仕宦無論內外。職居清要。孕育不問男女。資稟清芬。

食菊 吉

占 菊傲嚴霜。榮晚節。食之清心明目。夢此主思慮不亂。視瞻不迷。士人有操守。未路歎榮。孀居得貞烈。一生清白。

吞靈芝 吉

夢林玄解

卷十七 雜物

夢占

占 芝者瑞草也。仙家所食。夢食之者為祥瑞。之徵。病人夢之。遇良醫。婦女夢之。生秀子。唐申泰芝。洛陽人。其母楊氏。夢人與芝吞之。曰。以名子。已而得子。遂名泰芝。稍長。遊南岳。遇異人。授金丹。白晝冲舉。

食青栢葉

宋趙自然。繁昌人。幼疾甚。父抱詣青華觀。許為道士。後夢老人自云。姓陰。引之登高山。謂曰。汝有道氣。吾將教汝辟穀之法。乃出青栢葉。食之。及覺。遂辟穀。太宗召問。賜道士服。

食玫瑰

占 玫瑰紫艷而馨香。花之異品也。夢食之者。以字義占之。除却側玉。乃成文鬼。文鬼魁星也。士人主大發。應試必聯捷。孕婦生貴子。臨盆必有慶。惟病人夢之。必難痊安。

食芭蕉葉

占 芭蕉葉今綠色。蔭在窓兮蔽日。夢中餐兮為吉。凡事占之。喜滿室。○又云。巴巴碌碌。憔悴焦躁之兆。

食馬蘭

占 馬蘭草之可食者。夢此為阻隔之兆。蘭有攔攔之義。馬被攔。足不得前矣。行師者安營為吉。出征不利。守城者堅壁為上。合戰為次。夢拔盡此草者。國守不全。而敵兵得勝矣。爾朱兆。典兵。夢其亡父登一高堆。堆旁之地。悉皆耕熟。唯有馬蘭草株。猶在。父問何故不拔。左右云。堅不可拔。父顧兆。令下拔之。隨手所至。無不盡去。兆後敗亡。

食野草

占 郊野所生之草也。可食者能救荒。夢此主歲歉之兆。五穀不登。食草以充腹也。若醫家。夢之。術業必精。病人。夢之。服藥有効。

食竹 吉

占 雜物 夢占

占 素居清潔。不染世味。灑然無累者。方兆此。士人有堅剛之勁節。婦女有貞烈之芳名。若病痰嗽之症。曰 夢後必愈。

食木 凶

占 木乃咀嚼而無味之物。夢食之者。凡事無味。徒勞唇舌。病人恐有就木之危。禱醫莫用。○又主衰敗之兆。賣屋宇。鬻舟車。自求口實。

食檳榔 吉

占 檳榔辟障氣。粵人所食。東坡詩云。紅潮登頰醉檳榔。病人夢之。藥餌有效。女子夢之。容色倍常。

食菖蒲 吉

占 菖蒲有九節者。食之可通仙靈。兆此求名得名。求利得利。產生貴子。壽享遐齡。遠人歸。失物見。病即痊。訟得解。

食黃連 貞吉

占 味苦而性涼。夢食之者。主困苦荒涼之象。凡事求為不得。謀望徒然。若學者夢之。宜攻苦燈窓。臥薪嘗胆。

食石蓮 吉

占 是夢也。為七寶莊嚴之象。又為三台聯轉之兆。居官者調元贊化。出家者悟道參玄。老年夢之。壽永。病人夢之。患痊。

食甘草 吉

占 甘草和調諸藥。能解諸毒。夢食此者。災禍散。仇讎解。爭訟息。疾病除。凡事逢凶化吉。

食墨 吉

占 墨者。文房所寶。夢食之者。書生學問進益。士人文藝精通。縉紳官居翰苑。職掌絲綸。若常人夢此。心

曰中反不
明白也。

吞書 吉

占書者。載事物之義理。牖人心之知覺。夢吞之者。益智慧。長識見。學問日進。而才能日多也。
曰唐僖宗自晉王即位。幼而多能。素不曉碁。夜夢人以碁經三卷。焚而吞之。明日詔觀碁。凡所指畫。出人意料。

吞炭 凶

占炭曰烏薪。非可食之物也。夢吞之者。主有寒心事。而欲為復讎之舉。此戰國時豫讓所為耳。不然。亦主失音。

吞針

占是夢也。有刺人腸肚之兆。身在異鄉。歸期未知。何日。家去千里。音信無能。即通。天各一方。事處兩難。

吞瓊

曰者矣。若釋氏夢之。受戒遠色。

占瓊可禦寒。非可潦飢。子卿使匈奴。拘畱絕食。乃嚼雪吞瓊耳。得此夢者。主有出塞之兆。凡事迤邐。未能通達也。

吞珠 吉

占珍珠為世所寶。夢吞之者。乃貴重之瑞徵。文人著作。字字新奇。詩客吟哦。篇篇圓活。生子者兆此。不問男女。俱秀而美。

吞玉 大吉

占玉藏石中。待椎鑿而後出。玉為器用。必雕琢而始成。夢吞玉者。主榮顯之佳兆。貴人享方國之玉。食夾士得師友之玉。成享玉食者。當作威作福。得玉成者。必尊賢取善也。若胎孕夢此。無分璋瓦。皆為

當世所貴。

夢林玄

夢林玄解卷之十八

夢占

蕃彙部

- 樹木 草花
- 植木 竹荻
- 菓樹 水產
- 荊薇 柴薪

○○○樹木類

樹木茂盛 大吉

占 家業興隆。各成利就。根基不薄。得時得氣。生機勃
 勃之兆也。夢此者。文士當主盛名。進取必登巍科。
 曰 生意利十倍。家計必發達。子姓蕃衍。慶賀
 益斯。如夢在家中。為幽隱之兆。恐亦非宜。

樹木凋零枯死 凶

占 樹木發達則可。今乃萎滿凋零。此剝落之象。至若
 枯死。整頓何從。所謂徒勞而無益也。主親戚星散
 曰 家業陵替。長幼不安。求名
 下第。居宅蕭條。宜急棄之。

夢林玄解 卷之十八 樹木 夢占

書

佛經

當世所貴。

夢林玄

受新書七

夢林玄解卷之十八

夢占

蕃彙部

樹木 草花

植木 竹荻

菓樹 水產

荊薇 柴薪

○○○樹木類

樹木茂盛 大吉

占 家業興隆名成利就根基不薄得時得氣生機勃
勃之兆也夢此者文士當主盛名進取必登巍科
曰 生意利十倍家計必發達子姓蕃衍慶賀
螽斯如夢在家中為幽隱之兆恐亦非宜

樹木凋零枯死 凶

占 樹木發達則可今乃萎滿凋零此剝落之象至若
枯死整頓何從所謂徒勞而無益也主親戚星散
曰 家業陵替長幼不安求名
下第居宅蕭條宜急棄之

樹木成林 大吉

占 鬱然成林。方興未艾。毋伐毋折。蔥蔚可待。得此象。為舒眉吐氣之符。能再培毓。家吉人康。利遂名成。何疑。如夢林中坐。臥病未起。林中獲財。事無成。翠林茂盛。吉利。夢入菓林。主獲財帛。

樹木火燒 大吉

占 火者。昌明之象。且木能生火。分所固有。夢此者。主能培植陰德。以致昌隆。士人光顯。門庭平。人身家。與旺也。大吉無疑。

風吹樹木落葉拔根 凶

占 風吹樹木。搖撼傾危之象也。夢此者。主有不測之禍。震動先靈。子孫零落。非小災患之兆也。

手植樹木

占 主自掙自立。縱有先業。不能享受。更改一番。方得成就。此勞碌奔波。睡臥不寧之象。若圖晏享。縱有

身在樹木上 凶

占 其人若地上。今夢在樹處。非其地矣。求名利者。恐有旁落之危。宅舍不寧。病難痊。可夢身在樹而忽折。主有死傷。

大樹蔭體 吉

占 綠陰高照。樹色侵人。此主貴人護庇。可以榮身之兆。語有云。綠樹陰濃。蓋四隣。青苔日厚。自無塵。科頭箕踞。長松下。白眼看他世。上人。則此象之吉利可知矣。

大樹落屋上

占 木落屋上。此催人遷徙之兆。若不遷徙。定有燕雀處堂之患。出仕者。主當高擢。不然。恐上人。是咎。求財者。喜從天降。利源不小。生產不實。名則驚人。當有棟樑之任也。

登大樹 大吉

占 夢登高者患險。防有傾危。又患暗。鮮有光彩。若大樹。則地位高。根本固。自固通達之象也。求名得名。求利得利。

大吉之兆。陳文龍夢積木數百。踐其上。自謂必作狀元。居眾材之上。已而果然。

兩樹合一 一樹兩分

占 二而一。意合情投。一而二。離德離心。乃始成終敗之象。凡事俱有始無終。婚姻難諧。連理謀望。恐防終變。宅舍不寧。坐草必雙。

大樹忽折 凶

占 木之大者。關係非小。夢此。主家主死亡。得力之人。忽阻折也。

樹枝連理 吉

占 樹枝別而交接。雖非同根並蒂。然機逢緣。奏求財獲。婚姻吉。鵬程鸚薦。官非疾病纏身。產生男。女子佳偶。

面仰樹上去 凶

占 面仰樹上。神已散出。木在身下。形當就木。夢此者。陰氣多。陽氣少。作事多險阻。戒之為上。

樹橫生

占 樹本無橫。因培植不正。摧殘兼併。故至於此。夢之者。行事須有根本。樹德務滋。作善降祥。自然漸漸豐殖。何慮何憂。

吳王夫差。夢前園橫生梧桐。公孫聖曰。前園橫生梧桐者。梧桐心空。不為用器。但為盲僮。與死人俱也。

樹種堂庭 大吉

占 此主父母老年強固。身體發榮。得此夢者。可以長承膝下之歡矣。

身入樹下

占 身居樹下。可蔽風雨。照顧者稀。催殘者疊。若非貴人提携。未免終身首俯。夢此者。宜兢兢業業。自守本分而已。

與樹爭鬪相搏

占 與樹相爭。人在木旁。此休字也。休乃休美之意。作事稱心。不無用力之苦。夢此者。遊宦已當勇退。病體難速愈。利難到手。求名有濟。

家庭樹生菓 大吉

占 菓結家中。大有收成。無子者添子。失業者得業。事有頭緒。謀望成就。老人安享。官訟理平。功名到手。婚姻必諧。

砍伐大樹 吉

昔徐顯四十無子。中秋夕與妻禱於中庭。夢門內纍纍菓結。厥後子姓綿延。歷世不絕。楊瑞卿無子。日夜禮白衣大士。一夕忽夢家樹生菓。繁實可愛。後誕五子。一以文名冠當世。而四子俱各位極人臣。孫息隆盛。富貴榮華。炫耀一時。人無不嘖嘖欣羨云。

占 大樹為有用之材。材者財也。如砍伐之。得財之象也。若伐家中樹。則恐財物有失。當小心為吉。士人夢之。主得良友。

臨海解舍有大樹。尉王淮欲伐之。紹興郡守蕭振。夢神告以伐樹故。且云尉他日當作相。及淮至郡。謁振。振勸勿伐樹。淮愕然。詢何從知。振曰。第勿伐足矣。不必深究。淮從之。後果為相。

綠陰憩息 吉

占 長途奔走。得於樹底息足。此危急中。少安之象也。若患熱疾者。夢之即愈。

大木直豎

貞吉 否凶

直豎之木其象為卓立。第恐有搖動之虞。無倚無依。形單影隻。事難就緒。若夢二木豎立。事有扶助。曰。夢三木者。森然之象也。作事必達。八木直豎。餽米者至。

積木無數 吉

積木者。創造之象。但費力耳。作事勞力勞心。治家克勤克儉。任人恐損。自任實艱。終為成立之兆。若在室中。名利必在庸眾之上。○如夢橫者。主有非分之財。為我所得。

自擔大木 吉

大木必有大用。人而具此。必為工師簡拔。夢擔之者。才能超眾。經緯裕如。可以樹功立業之人也。若當家國多故之時。夢之主撐持有功。

人擔木來家中 吉

人送木來。為饒裕之象。主人償宿債。或情關瓜葛。誼屬葭莩者。餽我以金帛。不然。友朋賑給周乏。亦未可知。知。

拔木砍木拽木截木 凶

夢拔木者。雖費力。然事得妥。病必痊。若拔而不起。徒費心思。無益于事。夢砍木。則六親被損。利難到手。家業墜。生息枯。夢拽木。主借力于人。非一已能辦。夢截木者。忽焉中斷。事無終始。

乘木渡水

貞吉 否凶

患難之中。如落水。拯濟無人。嘆望洋。曰。夢乘一木安然渡。必得扶持慶吉祥。

大木生屋上 吉

曰。好友不來。形神交接。因畫有雲樹之想。故夜遂有雲生木蔽之感。惠問即至。

自稱木神

貞吉 否凶

木之神。火也。火有炎炎之氣。非有火症。或有火災。不然。或口內見紅。火又為文明之象。利東南。不利西北。春令得時。夏令旺相。秋冬則衰。

枯木再花 吉

占 枯木重花。廢而重整之象也。家業復振。不言可知。但人夢此。婦當再嫁。孕必重女。居無旺氣。訟當復新。晚來榮茂。

木生堂上

占 堂上。乃雙親娛樂之地。不宜有阻。木生于堂。始有阻矣。夢之者。恐于父母不吉。

木朽木蠹木折 凶

占 此皆毀敗不吉之兆也。朽者靡爛不堪。折者勢必忽傾。若有小人從暗中敗壞。則蠹之為象也。作事即連。還虞不美。

身立大木 吉

占 大木。乃棟梁之器。夢立于上者。必登三台八座。立業建勛。或有大財之獲。或受知于宰輔上卿。大吉也。

身入水中 凶

占 人死入木。夢此者。身危之象也。

木現五色 大吉

木呈五彩。祥瑞異常。光華發達。姓字顯揚。得此兆。文士名高天下。商賈利收四海。有孕必定生男。青色。則應在甲乙年月。或在春。從東方至。白色。應在庚辛年月。或在秋。從西方至。然美中稍有不足。赤色。應在丙丁年月。或在夏。從南方來。生髮。常黑。色。應在壬癸年月。或在冬。從北方來。黃色。應在戊巳年月。不論春夏秋冬。俱吉。因土旺四時。故也。然亦有或現二色。或現三四色者。宜仔細攷審。

○○○植木

椿吉

椿乃是易生之物。不論地之肥磽。土之厚薄。雨暘之時。若隨處隨時。在在俱足。人夢之者。椿庭有慶。夢椿發芽。鶴算無窮。椿茂盛。父業隆。椿覆庭下。身得蔭庇。椿枝折。父黨有厄。椿葉凋零。宜加愛護。椿被風吹。父有病侵。椿被雨淋。親有涕泣之憂。椿忽偃。父病難痊。椿根重發。新榦。主生幼弟。

松大吉

蒼蒼鱗甲傲虬龍。潛踞深山雲石封。聲撼半天風雨至。飛騰為作棟樑供。挺拔崢嶸之兆。大人夢之位。必高遷。士人夢之。青雲路達。婦人夢之。必生貴子。求利必得。上前有力。丁固初為尚書郎。夢松出其腹。謂人曰。松字義為十八公。十八年後。吾其位公矣。果為司徒。鍾輻植松。夢朱更曰。松高數尺。子當及第。後果然。

栢吉

太姒夢商庭產棘。太子發移周庭之梓。樹於闕。梓化為松。覺以告文王。召太子發占之。吉。是受商之命。大。

占曰

凌霜節操有誰知。秀挺隆冬愧衆衰。交得大夫相。砥礪後凋只繫素。王思夢之者。老健精神。冰霜節操。挺秀歲寒。但性不合。時。小人不足。然亦無碍。王九。年十三時。病甚。父抱詣青華觀。許為道士。後夢一老人。出青栢枝。令噉。及覺。遂不食。惟食生菓。清泉而已。太宗召起闕。賜名自然。

光化中。劉道濟上天台山。夢一女子引入牕下。有側栢。無何。前至奉化縣古寺。見一牕下有側栢。宛如夢中所見。問之。寺僧云。有一客官女。甚美。至此中心疾而死。蓋道濟所夢。乃此女之魂也。則知側栢。非復凡栢之驗。

檜栢

占 檜入夢兮君須慮盆中之景無大利。森森松栢共凌霄。知君必是青雲器。

梓潼 大吉

占 梓為樹之王。眾木拱向。群下折服之象。女人夢之能佐夫成家治眾。君子夢之當居傍首。夢生于家庭。財利亨達。病脫愈。訟得伸。產宅興隆。吉祥兆也。

漢武帝幸平陽公主家。幸衛子夫。遂納于宮中。歲餘不得見。子夫請出。上曰。吾昨夜夢子夫中庭生梓樹數枝。豈天意乎。是日幸之有娠。生女。凡三幸。生二女一男。男即戾太子也。

杉樹 大吉

占 大以成大。小以成小。直者可曲。曲者可直。質固不斲。削之工耳。毋自暴棄。斯為大吉。

檀 吉

占 摘得旃檀禮梵王。篆烟裊裊達西方。翻殘貝葉回清夢。稽首慈尊乞渡航。品貴重。德望隆。士人名彰。住居穩足。病產俱吉。萬事禎祥。

榿楠 吉

占 棟樑之材。擎天之木。出深山。產邃谷。庸眾景行。大匠矚目。有此碩負。精儲養蓄。待時而動。萬事集福。貞吉。否凶。

占 丹楓瑟瑟起悲愀。一種思維一種憂。從教鐵漢難伸手。莫待臨期思轉頭。若夢在丹陛。見之主當觀。

占 光上國。利見大人。

梧桐 吉

占 質性介直。襟懷疎朗。葉飄金井。天下知秋。夢此者。品高行潔。望重士庶。得機之先。所慮者。惟早凋耳。

曰 或遇知音 亦其兆也

楊柳

占 惆悵陽關柳色青 送君不忍履郵亭 柔枝試結同心 贈猶恐輕狂逐水萍 兆之主與友 人別或有章 臺之戀士人夢之 有仕女同心之結 女子兆之 夫婿輕狂薄倖之兆也

榆吉

占 綠陰藹藹映天涯 遠近交加秀可誇 瀟灑酒襟懷足 箕踞自然幽雅勝 濃葩此必衣祿豐隆 無求自足 曰 象之

椐械吉

占 條達鬯茂理細質瑩 加以斧斤之力 繼以磨琢之 工此人間之美質 非凡材之或同 攸往必吉 所作 曰 皆通

柞凶

占 夢之者 凡事咸宜 小心謀望 托人可慮 病有反 覆訟多驚恐 人心難測 是非蜂起 慎之斯吉

鴉相冬青櫻欄

占 相容刊刻 冬石女真 櫻葉扶蘇 綠映紅淪

漆凶

占 漆非美譽 何也 漆戚音同 戚則心事煩瑣 英雄落 魄之兆 如人夢之 涕淚沾襟 且此樹產窮谷 採者 不走馬竟過 其氣衝人 有不 勝之患 欲求其吉 無從來也

烏羆

占 烏絨烏絨 鬱鬱葱葱 色不艷氣多濛 人若兆之 皆不吉 總然有望也 成空

樗櫟

占 樗櫟並非美材。譬之唐愚之人。不作駟前馬後。辛勤勞苦終身。

荆棘

占 梗生多刺。夢之作事有阻。病體啾唧。急宜禳祟。居宅蕭條。謀利費手。乃奸人妬忌。患難多而安樂少。惟士子夢之。則吉。

占 主棘闈吐氣故也。北齊馬敬德中第後。其妻夢猛獸將來向之。敬德走超叢棘。妻伏地不敢動。敬德占之曰。吾當得大官。超棘過九卿也。爾伏地。夫人也。已而世祖為後主。擇師趙彥深進之。入為侍講。武平初。以師傳恩超拜國子祭酒。加儀同三司。金紫光祿大夫。領瀛州大中正。後封廣漢王。

桑吉

占 桑為蠶資。推其功之所及。實能衣被天下。夢之者。主有經緯。有操持。名顯利實。居不定。失可得。但桑與喪同音。病人兆之為可虞。

柘

占 有詩云。桑柘影斜春社散。家家扶得醉人歸。洵歡洽兆也。然而影斜歸散。皆非吉語。夢之主離散。口舌。非一端也。于一陽歸復之後。見之。百凡小心。方保無是無非。

楮吉

占 楮即穀樹也。穀成樹。乃五穀豐盈之兆。若夢生于家。則有得祿之喜。若夢生于野。則食司牧守倅之祿。無不利也。

槐吉

占 夢手植之。主位居台輔。生賢貴子。奕世綿綿。書香不替。女人夢之。有鬼求食。送之東方。自無咎也。木傷有鬼。病者急禳。

王旦其先人夢手植三槐于庭。後果為三公。

棗

貞吉 否凶

占 此夢象屬騰蛇。百事皆連。科甲高捷。婚姻早諧。病未即痊。訟必淹滯。子姓雙貴。交易得成。

剔牙松

吉

占 松不懼歲寒。剔牙則枝葉一。荆棘物也。兆此者。君子日近。小人日遠。才能超群。名堪奕世。迪吉。

松響

貞吉 否凶

占 松不被風吹響。搖動之象。根牢堅固。然亦無碍。兆之。大不利。利于小人之口。事惟謹密為吉。繫辭云。幾事不密則害成。

門前柳

貞吉 否凶

占 衡門之下。可以棲遲。柳陰之下。可以乘涼。兆此主。宜靜不宜動。宜藏不宜露。言當遜避。事當忍耐。斯也。吉。

倒垂楊

凶

占 柔枝軟葉。倒垂楊。東西南北。任顛狂。只恐浪子紅顏。密費盡家資。無所償。男子主敗家。婦人主無壽。

水中柳

吉

占 春取榆柳之火。柳者火也。水中柳。則水火既濟之象。主家庭無恙。作事無碍。財有進。各有就。利吉。

插柳

吉

占 柳本易生之物。插之得生矣。財始旺。家漸興。惟事當謹。始慎終吉。

飛絮

凶

占 飄流無定之象。商賈兆之。不宜登舟。尤不宜遠行。失物無覓。他鄉不歸。

落葉

凶

占 樹葉貴生長。則有茂盛之兆。若落則漸凋零。主危。日 機也。夢此家事日減。士名日損。妻尅子喪。俱不利。

黃楊樹 吉

占 樹名黃楊。味黃。楊二字。有揚于玉庭之象。主聲名顯赫。士人欽選。財利必旺。子貴親榮。大利。

○○○菓樹類

梅 吉

占 梅占百花之首。疎影橫斜。暗香浮動。韻致孤高。非凡世所及。無論文人韻士。山叟逸民。兆之者。必超出羣倫。為世仙品。佳人夢之。則冰肌玉骨。傾國傾城。不讓壽陽獨擅美名也。如夢啖梅。必主調羹之任。

隆慶改元。長至後三日。既望之夕。馮氏獻翼者。一更後。有弄瓦之喜。夢梅花萬樹。落英蔽空。似雪非雪。心惡之。書于書尾。所生女秀而慧。不幸夭。後五年。子生。蓋梅花落。女不延。將結子也。

杏 吉

占 一色杏花紅十里。狀元歸去馬如飛。兆之者。主登高第。賜宴杏園。常人兆之。必生貴子。

桃 吉

占 花灼灼。葉蓁蓁。實之大。在西域。沿堤傍柳。爛熳開。頓令他卉無顏色。武陵境。天台域。不有仙緣誰詣得。一開一熟六千年。供得瑤臺王母食。方朔三偷我欲希。任人呼我仙家賊。

李 吉

占 李為菓之珍。芳姿自絕倫。仁人乃得兆。蘭桂立丹宸。

石榴 吉

占 石榴本異種。吐花盛夏。不畏炎熱。與日並麗。乃文明之兆也。卿相有回天之力。士人有向日之誠。功名早遂。子嗣多賢。訟須受責。疾病無恙。

棗 吉

占

菓樹

三

夢占

占 棗應心而色多變。乃變化之象。而棗早同音。兆之者。各成于早。利得于早。婚姻早諧。子嗣早招。喜至必重重也。惟病訟兩端。不宜兆之。

占 束下又束。凡事不宜放縱也。有人夢棗生屋上。以問補闕于堇。堇言棗字重來。重來呼魄之義。此非吉祥之兆。後果然。

梨吉

占 夢之者。當有盛筵相召。或有適意之事。惟病人不宜。以梨者。離也。神離不吉。

占 昔三國時。曹操欲伐梨樹。夢梨樹之神。砍破頭腦。其病遂至不起云。

枇杷吉

占 兆之者。骨肉和平。同枝共茂。張氏九世。鄭家一牢。何多讓也。

栗

占 栗體實而不浮。夢之者。須以真率為主。包函為上。乃令人謹飭之兆也。夢嗽之者。作事費力。夢栗蓬。

核桃

占 運未通。栗在衣袖。事已成就。揀取大栗。掄魁無匹。栗倏自動。行將召用。身負多栗。艱辛不釋。

占 此夢主有遠方人。或間濶多年者來。謁。或欲借居。然志趣不同。終難契合。

銀杏吉

占 本根堅固。枝幹盛大。花微子茂。藏可久遠。夢之者。名利超人。居舍安寧。得子必多。病者宜祀樹頭神。

柿吉

占 色欺萍實味同之。不向江浮若箇知。從此兆君岐嶷胤。丹心報國帝王咨。

香圓大吉

占 圓象天。圓而香。是天香也。故夢香圓者。為吉兆。姻親子息。病空債。居無一天。不吉。乃求名者。為更佳。蓋圓元同音。兆非大魁。天下必拔秋闈。之幟也。首冠羣英。翹然獨出。大吉。

夢林玄解 卷十八 菓樹 柑子金柑佛手 吉

占 香馥馥。兆中有此人招福。人招福。齋頭清供。色馨
濃郁。多情相愛。頻留月。鐵手拈來。私自祝。私自祝
香甘美味。休教獨有。美人在室者詳之。

橘 大吉

占 橘。有決定之意。夢此。決主有進步。有子能安享。能
獲利。事決妥。姻決美。病起。訟理。壽滿百。諸般稱意。
夢橘。生北方者。其名曰枳。賦性雖同。功用則異。作
事無望。夢橘。巍然獨出。其名曰柚。有成就之意。夢
此。當登鼎甲。或得大財。聲聞
過人。或有異味。快口。大吉。

橙 凶

占 色好味香。然表裏相異。有好有不好。兆見之。主遇
小人。外貌美而中藏叵測。凡事宜遠之。則吉也。

圓眼 大吉

占 圓。猶元也。元者。善之長。而眼固目也。求名必在一
二之間。出仕主為朝廷耳目。姻事有成。謀望必遂。
或主貴人助我。特留青睞。女
人主生子為狀元榜眼。大吉。

橄欖 吉

占 夢此者。先難後易。從苦得甘之兆。初終兩路稍
歉。中年精神飽滿。意興淋漓。大遂心志。上吉。

楊梅

占 不祥之兆。敗散之徵。常人夢之。主生惡
瘡。惟士君子見兆。或得揚眉吐氣也。

荔枝 凶

占 荔枝。猶離也。枝若離。必本先喪矣。凡夢之者。家宜速
徙。病難脫體。生子主繼他門。或作羽流緇侶。求財
無多。亦
不脫空。

林檎 大吉

夢林玄解

卷十八 菓樹

占

夢占

占 林檎味甘。如夢之者。主吉事重至。或得美產。或娶嬌姿。益財添嗣。應驗如神。

葡萄 吉

占 夢見此菓。主得美醞。病人兆之。則死徵至矣。

嶺上梅

占 梅生嶺上。隱居高地之象。夢此主致仕者當掛冠。經營者貴謹守。事勿宜輕舉妄動。惟子孫繁盛。病當靜室幽居。

占 清養為吉。

牆外桃

占 牆外桃花。人欲折。佳人在家防失脫。

蟠桃 大吉

占 登瑤臺。仙種。三千年開花。三千年結子。兆之者。土人永慶利。有大

日 獲在外逢貴人。擇配得佳婿。病易痊。訟得勝。諸事吉祥。無往不利也。

○○○ 荆薇類

紫荆

占 此兆一見。兄弟協力。生機發。欣欣向榮。倘有離異。便無顏色。可慶亦可戒也。

玉蘭 吉

占 有志向上。制行清白。不事阿諛。自標奇格。嬌嬌仙姿。楚玉趙璧。高潔莫比。兆仙之謫。

海棠 吉

占 兆西府。中秘密。兆垂絲。今家蕭索。鐵梗黃門。或柱史。秋海棠。今佳人擇。

薔薇

占 薔與祥比。薇與微同。謀望非吉。

紫薇 大吉

占 紫薇花映紫薇星。兆見須知名字馨。香染御爐鳴佩杳。玉堂金馬佐明廷。夢之者。百事有吉。無凶利。名獨擅。功業滿四海。聞望遍寰宇。產必男。病速愈。失不脫。居亦利。

桂 大吉

占 此夢應登黃榜之象。夢折在手。秋元可必。折桂觀魚。大魁天下。夢桂結子。必產麟兒。夢人贈桂。或攀桂樹。或丹桂盛開。必主連登。聞桂香者。主有同氣之人。得第。桂子落者。及第之兆。桂樹枯死。一生功業無緣。登桂樹上。必居英烈之右。

木蘭 吉

占 性潔而芳。肌有餘香。綽約丰姿。狀如女郎。兆之者。必與女人相會。

山茶 吉

占 碧綠間紅葩。皖皖冰雪中。堂前調丹砂。染此鶴頂紅。名利如雲蒸霞變。燿燿一時。膾炙人口。而不長。強禦者。此夢之符也。

草花

牡丹 吉

占 牡丹果是花之王。姚黃魏紫世傳芳。兆之富貴。豈云謬。晉王石。今唐杜房。弘治庚戌。汪學士。諸為主考。王文恪為同考。一夕。汪夢人。餽黃牡丹三本。以問王。王未有以對。故榜則錢福第一。已乃問楊學士廷和。楊曰。此必福之兆也。不聞洛陽相君忠孝家。可憐亦進姚黃花。為錢惟演故事乎。斯人也。高科兆矣。而非端士。是科會試殿試。福皆第一。而不克終。

芍藥

占 輕移蓮步下瑤臺。綽約芳姿次第栽。拭眼問花花不語。為誰零落為誰開。此兆居宜遷。名斐疊。富不

蜀葵 占 久病難起。訟易完。生必女。

蜀葵 吉

占 兆之者。主有捧日之誠。忠戴國。矢志。弼君。如夢千葉。或錦葵者。則錫莽賜玉之應也。佳人夢之。則古詩有云。花于木槿花相似。葉是芙蓉葉一般。五尺闌杆。遮不盡。尚留一半與人看。主為人眷愛也。

瑞香 占 否凶

占 枝幹婆娑。葉厚深綠。雖無大咎。亦無大福。生女為人側室。生男為人之僕。

木香 占 吉

占 前程高遠。買易價崇。農家薄種。廣收。問嗣。森森枝茂。餘無不吉。此兆為然。

臘梅 占 吉

占 一陽復生。生於始方。開臘梅。兆之主無子。親長庚。病者可杜本還元。諸事俱亨。

向日葵 占 吉

占 葵屬陰。向日。乃向陽明也。兆之者。主凡事遇貴人提携。吉徵也。

迎春 占 吉

占 迎待也。春時也。迎春待發生之時也。夢此者。主生意盛。蘭玉芳。如夢在深秋。亦宜靜守。

籬邊菊 占 吉

占 菊者。寒物也。籬者。離也。離為火。火乃文明之象。籬邊菊。是寒火相兼之象。夢此家庭和睦。兄弟怡怡。清順平安之慶。

蝶戀花 占 凶

占 只恐蝶去。花猶在。婦人兆此。喪夫哀。

茶 占 否凶

占 貞吉

草木 占 草花

草花

三

夢占

占 其味甚苦。兆之與人共事。當信人言。毋可率意。語有云。苦口良藥。利于病。忠言逆耳。利于聽者。此類也。

秋葵 凶

占 兆之主。榮華不久。朝舒夕捲。幼年兆之。必天折。晚年兆之。天曉月佳。人如兆。花容憔悴。翠鈿委地。實堪憐也。

玫瑰 吉

占 此子姓興隆之兆也。身享榮華。老年主子孫貴顯。夢戴花頭上。主掇巍科。折花自燃。當生貴子。

瓊花 大吉

占 位冠群寮。官居一品之兆。夢見者。雲程有路。富逾陶朱。姻結仙姿。產生玉樹。然君子夢之則吉。小人夢之。反有咎也。

夜合 吉

占 向陽斯開。遇陰乃閉。開則生香。閉則藏衛。此陽剛中正。不伍群小之象。凡事遇貴。小人退避。病體無妨。宅與旺。產生男。利名當。訟理如聯。吉利無比。

槿 貞吉 否凶

占 槿有防微杜漸之意。如夢之。恐有人暗算。百凡小心為上。若編獲未謹。人生覬覦。慎之斯吉。

山礬 吉

占 枝肥葉密。至冬不凋。其香濃郁。夢之者。志節堅而名聞遠之兆也。

櫻桃 吉

占 兆之主。少年榮華。壯年顯赫。誼子九人。如欲納寵者。見之擬得美姿。如樊素也。諸事俱吉。

酴醾 吉

占 納寵者見之擬得美姿。如樊素也。諸事俱吉。

夢之者。必有謙享之歡。花前月下。應有雅集。謀望當在于西月可成。然必經二西之期。方有如願。

繡毬 貞吉 否凶

本居繪先。華更樸素。子息望空。利亦不固。人莫之喜。亦莫之妬。各難過人。病歸冥路。

棣棠

主有佳人見思。或兄弟懷想。但棠堂音類。夢之恐于慈幃有碍。病須告土。方保無虞。

十姊妹 凶

羣陰之象。夢之家居未吉。病主女祟。君子夢之。孤立無輔。退位則吉。商賈夢之。羣陰作耗。失脫宜防。債難獲。產生女。戒慎為吉。

寶相佛見笑纏枝牡丹

占 夢諸種花。主榮茂而不結實。

凌霄花

占 花名凌霄。喜附喬松。兆之者。必氣宇昂昂。軒冕一世。置身雲漢。俯視塵寰之象也。

萱花 吉

占 萱號忘憂。亦曰宜男。夢之主慈幃有慶。奉養倍加。女子懷嫉。所生必男。各可無憂。利亦同之。萱被風吹。母有駭雜。萱枝忽枯。哀子怨慕。

水仙 吉

占 花以仙名。品居上乘。冠之以水。凌波之勝。夢之者當大貴。但賦質纖弱。貴而恐夭。孕必生女。儀容綽約。利半獲。病散訟理。物不失。移居吉。謀有成。走易獲。

長春 大吉

占 此夢主生意亨通。壽延鶴算。罪得赦。病還元。產生男。家宅吉。婚姻有佳偶。失脫在東方。

昔徐子秀夢庭中遍植長春。其香異常。後文母兄弟子侄。凡三代俱各壽考。年及耄耋。而始衰。因累世好善。人以爲是積德之報云。

蘭 大吉

占 生于幽谷。無人自芳之兆。夢蘭香入室。有好友至。簪蘭得佳人。長蘭芽。將有馨兒。折蘭在手。各生二酉。嗅盆蘭。貪圖他利。蘭生于砌。家駒有譽。蘭在齋頭。吉來左右。饋蘭于友。英雄契投。將蘭贈女。生男可許。

漢王子仁妻李氏。夢蘭香滿室。遂孕而生子。名紹光。年十四。一目數行。學貫丘索。捉筆成文。有七步之才。名震京師。十六登第。後官至蘭臺令。

蕙 吉

占 蕙者。慧也。夢之者。生子俊逸。生女聰敏。諸事迪吉。

茉莉

占 顯揚于異方之兆。經商有利。土宜遊學。移家則吉。產非弄璋。日輕夜重。病在膏肓。

菊 大吉

占 欺霜傲露。韻骨孤標。有幽人逸士之操。無妖嬈艷冶之色。此正人君子。持正不阿之象。夢之名至晚。年大就利。在秋冬有救。

芙蓉

占 秀而不實。榮而不久。光耀一時。過眼即褪之兆也。惟女人兆之。則招貴夫。以芙蓉二字。乃夫榮也。

玉簪 凶

占 依稀彷彿。有名無實之兆。盛開者。佳人。有贈。萎折者。闈閻遭迤。總之一虛花耳。

紫萼 吉

占 夢此者乃少年得意之朕。如紹土夢之。有掛紫之榮。

黃萼 吉

占 兆之者。主獲財利。百倍于人。主登樓宴飲。品格超凡者。主遇仙授術。女子夢之。患勞瘵之症。

茶花

占 利宜合伴。名發先春。家居最吉。婚姻早定。花前子後。病乃火症。

梔子花

占 兆之者。主生寧馨兒。

月季

占 文人夢之。小試得意。市人夢之。小利有獲。病主怯訟。非宜。乃往來不絕之象。小吉之兆也。

滴滴金 吉

占 土生金。金屬商。商旁有水。是金生水也。夢滴滴金者。乃生生不已之兆。各當連捷聲譽播聞。利主不竭。展轉倍益。產嬌娃。居廼吉。

占 負美名而無實。美資而無用者。是兆之徵也。

錦荔枝 凶

占 夢掛金燈。金榜題名之兆。問利有名無實。若小人夢之。諸事不能遂意。未吉。

掛金燈

占 夢之。主得異錦十端。又主與十英為侶。

十樣錦 吉

占 連蔓于野。或附在壁。美而不貴。艷而不久。夢之。利多子繁。所居適宜。病訟俱綿延。婚姻是仙匹。

牽牛郎

占 連蔓于野。或附在壁。美而不貴。艷而不久。夢之。利多子繁。所居適宜。病訟俱綿延。婚姻是仙匹。

金錢 吉

占 兆之。主得遺金。或分外之財。文士則奪標之兆也。凡種須外得也。

芭蕉

凶吉

占 主大人蔭庇。士子脫白掛綠。謀利無望。病者有女祟相侵。宜禳解之。則吉。

鷄冠

大吉

占 夢鷄冠者。乃昌明之兆。百事皆吉。亦且過人。如兆紅白交成者。主兩姓同居。

老少年 吉

占 兆之者。暮年壯健。精彩潤澤。晚運亨通。大有所獲。

金銀花 吉

占 壯年發解。弱冠成婚。錢財過手。徒勞爾紛。金水相匹。小人退色。災散毒消。家貲利益。

杜鵑花

貞吉 否凶

占 子規何事啼殘月。止為花開欲動人。血淚拭時頻又落。可憐好景不多辰。

芝 吉

占 娠生子。貴人至。奇獲異寶。必登魁首。方兆此。

王文安公禱。字子充。浙江義烏人。大父石峽書院山長。一夕夢五色芝產門楣。翼日公生。識者以為文章之兆。公幼秀爽敏。惠稍長。師事黃文獻公潛。隱青岩山中。著書立言。

茯苓

大吉

占 松樹根脂入土生。千年結得茯苓成。占之主長壽。又曰。茯苓伏也。苓靈芝也。茯苓則得祥瑞已伏之兆矣。兆此功名不。用扶乏嗣。决生兒。

薏苡仁 吉

占 慧意也。仁心也。俱主內言。人具仁意。諸事俱善。此要行善。作方便事。又主家宅安。孟子有曰。仁人

枸杞 吉

占 根名仙人杖。光者壽年康。葉子莖無棄。兒孫福祿長。

貝多 吉

占 出西域。以其葉寫經者。此當重三寶。敬沙門。在家居士者。宜持齋誦經。真僧夢之。終得悟玄。

鳳仙 吉

占 夢見鳳仙。芝秀翩翩。光在文士。紫薇備員。桑間濮上。女子兆然。為凡鳥。為山人。為鳥入樊。為人入山。

雪裡紅 吉

占 多子。雖弱質。而能歷冰霜。處末世。而能自顯。耀。更于凋落之時。獨現一斑。以聘英雄之兆。

千年蘊 大吉

占 主終身榮貴之象。兆之主壽元滿百。夫婦白頭。雲程悠久。家事日興。利貞吉。

藍 貞吉 否凶

占 藍染皂物。兆者當遠小人。親君子。易曰。比之匪人。不亦傷乎。

紫蘇 吉

占 紫猶子也。蘇猶息也。兆之主得子息也。有病者夢之。不藥而自愈。易曰。勿藥有喜。

諸葛菜 吉

占 菜之色。係青蓮色也。青蓮則蓮花法像矣。沙門兆之。當參禪坐悟。多得智慧。且名曰諸葛。將佐兆之。

日 百戰百勝也。

菜花 吉

夢林玄解

卷十八

草花

三

夢占

占 其色似金。其茂無此。兆之者必富饒隆盛。且其子之功。又能佐太陽之不足。交人兆之尤吉。

花草蕃盛 吉

占 溶溶錦色。燦奇觀。滿目雲霞。卧裏看。潤漑患深知。雨露芳名留待播金鑿。

花草凋枯 凶

占 色衰氣敗。枝萎葉頹。夢之者問名虛。問利歎。曰 居無生氣。病難愈。痊失物無覓。佳人分鏡。

花開爛熳

貞吉 否凶

占 花開至于爛熳。發洩殆盡矣。故為盛極將衰之兆。眼前榮麗。而榮麗者有幾。夢似祥而否者。此類是也。顯宦猶不宜兆之。

花飛花謝花殘枯

占 飛則散亂。漂泊無定踪。謝則去時。殘則凋傷。枯乃衰朽。兆俱不祥。名利病訟。生產家宅。無一吉也。陰

曰 人分上大有折損。須祀土神解之。

採花折花送花偷花吹花

占 花宜植。不宜戕。植則生意足。戕則毀敗形。謀事最當謹慎。陰人有碍。如夢採花。採者采也。當有納采之慶。吉。夢折花。折者拆也。定有離異之悲。夢人送花。則可。我送人花。不祥。偷花。主邪念。吹花。主散離。不吉。

花香

占 徒聞馥郁。不見花容。暗馨撩人。主有佳人思憶。而曾面無從。外此。雖芳馨芬人齒頰。謀望終屬無據。所謂見色聞聲。都是偽。作事有名而無實。

接花 吉

占 移花接木。雖有折錯。然不如此。則結實無望。夢之者。定主倚人立業。或在異姓異鄉。每事若能遷就。

曰大有收成榮華茂盛指日可期也。

花開頭面上 吉

花開美事也。夢開頭上。作事不可循舊。能脫去窠臼。另出手眼。方得成就。夢開面上。則眼前光景。瞬息繁華耳。細人不可托。求名大吉。病者不痊。

墻上花 凶

花生墻上。根基必薄。得生氣甚少。本非堅牢之幹。夢之主。每事不久。生子多病。生女必夭。凡頽垣傾壁。固當遠避。病難醫。神勿禱。

賞紅色花 凶

占賞此紅顏色。少年壽不長。男婦夢之。俱夭壽。

種花 吉

占花被栽種。生生之象。財始旺。嗣得昌。先生女。晚生男。

花落片 凶

占花落片。最無情。夢者疑此損陰人。欲識個中真消息。病者須防保自身。

含蕊 吉

占凝精聚氣。原始反終。有包含之象。壯年者精神愈固。孕得弄璋之慶。

豐苗 吉

占苗穀也。豐苗。主豐年之兆。占此財有旺。田有收。家業盛。事事吉也。

香葉 吉

占此香葉。曾經鸞鳳宿者。兆此葉。主族內讀書者。必登高第。族中貞節者。必得旌獎。若孕婦兆之。主生子。貴。

葉肥吉

占 葉肥濃潤。有大壯之象。兆之利獲十倍。各交四海。利吉。

莠凶

占 莠草名。似苗而非苗。實害苗之草。要防小人。陷誣。訟事莫與。尤必小心穿窬。慎之慎之。

翠雲草

占 青苔。沿砌。主生意永久。味翠雲。二字。平人兆之。吉。病人兆之。凶。

甦頭草吉

占 主革舊鼎新之象。士更元服。曠官者復職。老年者得子。丈夫遠歸。病人得愈。雖得其貞。亦宜自守。

金絲草吉

占 味金絲。主財利永久之意。作事悠遠。為妙。惟病難脫。訟難解。情人兆之。偏多留連。

龍虎草大吉

占 雲龍風虎之象。主各登龍虎榜。仕人必拜相。常人夢之。生子貴。家業興。出入無碍。有利。

龍鬚草大吉

占 主長鬚鬚者兆此。求各得名。求利得利。大吉之兆也。

荒草凶

占 荒草主物不生之象。占此病無救。田無收。或訟必破家。

吉祥草大吉

占 兆此者。逢凶化吉。遇患呈祥。兆主大富大貴。

蹊徑生草凶

草生蹊徑。焉得久長。主倏生倏滅之象也。兆之者。作事無恒。各難成。利難就。眼前雖有好處。後日難。

日保無虞
保無虞

草長數尺 吉

占 莒莒高聳得天機絕勝荒蕪陌上稀生意不除周
子。躬為承委佩故罪罪此乃傑士之兆。挺然不羣。
少負大志易干顯。
達第恐天折耳。

草滿身 凶

占 草為羣小之象。今滿身是身為羣小之叢藪也。舉
動受其牽制不能清白。病者有家鬼作祟宜送之。
日 夢草生腹定有凶信至。生于膝妻黨議親事必
免聯生足上。家中小口。或下人有瘡疥之悔。

拔草斫草 吉

占 草形象屯屯者物始生而未通之象也。如夢拔草
處困之中當有特拔之知。如夢斫草衆庶歸伏得
日 民之象處小事
則守正可獲吉。

吞草衣草 吉

占 夢吞草錫土封侯必主早。夢衣草紆青拖紫直到
老求名脫白掛荷衣。求利豐盈獲珍寶。病人如兆
日 不須憂兩干
年壽為君保。

鬪草 吉

占 此紛華靡麗誇艷矜奇之兆。君子夢之以奇異勝
人得意之兆。小人夢之有爭鬪之事。訟未必吉。家
日 亦微慶。

結草 凶

占 草性柔其象屬陰。主有陰魂纏戀急不肯捨之兆。
居無旺氣孕必生女。名不顯揚。利難就緒。病者宜
日 送女傷二位
至西北方吉。

草偃 凶

夢林玄解 卷十八 竹荻 夢占

占 芳草芊芊尚無大望。何況其偃乎。夢之者根基淺薄。時運不齊。須藉貴人提挈。諸事未吉。病人不喜。偃乃仆之故也。

○○○竹荻

竹大吉

竹有冲霄之幹。有君子之名。有介直之節。夢之者。咸吉。慈孝竹。主為人孝悌。瀟湘竹。神馳千里。方竹。正直不阿。山上竹。出人頭地。水邊竹。清芬襲人。鳳尾竹。為人瀟洒多風。麋鹿竹。人品瑰異。夢坐竹林。身閒心逸。竹被風敲。主生煩惱。竹被雨淋。憂鬱堪憎。斑竹。入兆。兩地。泪零。河陰尉王君炳。二子入試學院。王夜夢老嫗持竹一枝贈之。王令種之。土阜。既寤。向人說之。有坐客云。二郎君俱中選矣。竹字兩個也。未幾報云皆入泮。

義竹吉

占 明皇名後苑竹曰義竹。竹徑最清。兆此得清名。主遇義友。孟夫子曰。義人之正路也。作事貴正大。光也。

孝竹吉

占 新筍圍舊竹生者。主兒孫繞膝。之象。堂上椿萱茂。庭前蘭蕙芳。

種竹吉

占 語有云。無竹令人俗。種竹則得清雅之兆。夢此主得良友。凡業居清雅者有利。

牕前竹吉

占 綠色臨窗。主喜。事臨門之兆。

籜凶

占 兆之者。未能發達。究無大就。

筍 大吉

占 珍惜愛護。必成奇翰。武臣夢之。裂地封侯。孕婦夢之。必主生男。

荻 凶

占 森森叢出。縱橫交加。形類干戈。且荻敵音同。兆之必有草寇竊發。受兵燹之慘。或主夫盜。

蘆葦 凶

占 蘆葦出水蕭蕭。衡陽雁斷迢迢。日落紅汀凝望。征帆遠掛雲霄。

籐 吉

占 籐有凌空之勢。君子夢之。名位升騰。老人夢之。當為壽徵。居必喬遷。病有虛驚。官祿顯。利高。櫻。雁門人解叔謙。母有風疾。夜于庭中稽顙祈夢。聞空中告云。得丁公籐。治即痊。訪醫及本草。無之。至宜都山中。見一老翁伐木。云是丁公籐。可治風。乃拜泣求得之。并得瀆酒法。語畢。失翁所在。毋病遂愈焉。

○○○水產

蓮荷 大吉

占 中通外直。不蔓不枝。出泥不染。花之君子。兆者孕生男。姻事吉。各登榜。利無敵。居通暢。病離席。寧波一婦。以兵亂與夫及子相失。寄食老尼。一夕夢人使磨麥。又見蓮花盡落。覺而心惡之。以語尼。尼曰。吉祥也。問其故。尼曰。磨麥者。將見夫面也。蓮花落。蓮子得見也。無何。果得聚首云。

採荷 凶

占 花質雖艷。採之則無根。占此事多傾覆。少年夭折。病即危。訟可解。

卷荷 吉

占 卷者藏也。藏而未舒。臨候即開矣。兆之者。事當待時。貧始富。賤始貴。

敗荷 貞吉 否凶

占 花敗則子露孕必生男恐損生產者宜小心謹慎尤必祈神祐之

採蓮 吉

占 採獲也蓮清貴之物兆採之當生貴子主事有終始

藕 吉

占 藕本玲瓏精潔之物占此生男多智慧生女多秀巧

芡實 吉

占 兆之者作事有益而無損

蘋蘩 吉

占 主得一賢媳或賢妻 閨主兆之主于歸

蓼 凶

占 兆此事宜預料 雜不易理之象也

菱花 凶

占 水大則根浮水涸則實少作事泛泛不常故有是兆名淡如水利薄如水兆見損折必至沉淪

菱 吉

占 栽植由來在水濱素秉清白不沾塵 愧殺世之貪污者那能修行與之倫

菖蒲 吉

占 菖蒲有各種咸于夏春鮮茂夢之乃昌陽之兆也 無不遂意無不稱心惟老婦夢之則為老鴛之兆 不堪也

浮萍 凶

占 葉小而蕃。浮生于水。隨波逐流。延綿池沼。群小用事之兆也。

藻荇 吉

占 此乃魚之所藏。隱而不見。潛而不躍者。乃夢見之。君子宜如玉之韞山。珠之藏澤。而輝媚自呈也。

水紅花

占 不芬不艷。無處無之。亦莫之愛。亦莫之棄。伴食平章。三旨宰相。其兆無疑。

蒹葭 吉

占 兆之主。逢賢隱之士。或諧秦晉之歡。從茲彼此相依。無分爾我之符也。

芹 吉

占 有野人獻芹之意。兆之主。遇貴人于野。宜物色之。

蘅 吉

占 蘅乃香草。聲名貴高。忠節夢之。青史題標。

茅草 凶

占 一團茅草亂蓬蓬。主事無始又無終。家中火燭當須謹。總然不染也成凶。

柴薪類

柴滿門內 大吉

占 此為名利兩實之兆。求名者名顯達。求利者利豐。裕上下咸吉。無老無幼。無日無時。莫非妙境也。大占 吉之

擔柴歸家 吉

占 柴之音同財。人惟不克擔財。故家業蕭索。此夢主財星照臨。與旺家門之美兆也。若為商夢。此主大獲利而歸。

分柴奪柴 吉

占 柴者財也。財上分明乃大丈夫也。何妨與人分乎。然分則主經營合伴。或利獲其半。奪則雖費唇舌。甚得利。而有不義之名。若士人夢之。不能如意。脫白之兆。

柴被火燒或水漂 凶

占 柴之遇火是其常。水若來漂勢莫當。誰道吉凶有所別。水火無情。兆散場散而無統。絕而不續之兆。曰 夢之諸事不吉。

失柴

占 此夢主有失脫。出入當小心。文曰 人夢之。為特達之才。名著天壤。貞吉 否凶

諸種木柴 吉

占 此兆若見在家。則居家有財喜。若在戶外。出外經商。隨心所欲。無往不利。妻財可望。士人夢之。則有

曰 騰雲之慶

薪積火上

火有冲霄氣。薪積于上。是助其燄也。如人夢之。文場大利。武士奪幟。發揚蹈勵。光被四表之兆也。占 若夢積于水上。謹防星散。所失不小。名無影響。居不為言。如積山上。本出乎山。今復在山。宜靜不宜動。守舊為吉。

薪積如山 吉

占 薪者日用所不可缺。積之如山。曰 用有餘也。夢之者富饒之象。

夢林玄解卷之十八 終

